

摘藻堂四庫全書薈要

史部

欽定四庫全書薈要

史部

御批通鑑綱目卷五十四

詳校官編修臣汪鏞

欽定四庫全書叢要卷七千三百七十八

史部

御批資治通鑑綱目卷五十四

起丁卯考異提要起丁卯下有唐哀帝天祐四年盡
盡已卯考異已卯下有晉王李存勗稱唐天祐十六

年梁貞凡十三年

丁卯四年四月以後梁太祖皇帝朱晃開平元年西川稱
唐天復七年○是歲唐亡梁晉岐淮南西川凡

五國吳越湖南荆南福建嶺南凡五鎮春正月淮南牙將張顥徐溫作亂

楊渥既得江西驕侈益甚以故怨殺判官周隱將佐
皆不自安渥居喪酣飲作樂燃十圍之燭以擊毬或
單騎出遊從者不知所之左右牙指揮使張顥徐溫
泣諫渥怒顥溫潛謀作亂一日帥牙兵二百露刃直

入庭中渥曰爾果欲殺我邪對曰非敢然也欲誅王左右亂政者爾因數渥所親信十餘人之罪曳下擊殺之謂之兵諫諸將不與之同者稍以質實淮南軍法誅之於是軍政悉歸二人渥不能制名注見漢武帝元朔五年楊渥廬州人行密之子江西道名注見梁孝元帝承聖二年徐溫海州朐山人

書法

書曰作亂而後亂臣不得以趙鞅藉口矣

發明

楊渥驕侈不道張顥徐溫泣諫不從遂至帥兵誅其嬖倖然而綱目但以作亂書之者臣

子事君有隕無二亦所以為脇君者之戒也

三月唐遣使奉冊寶如梁考證

唐當作帝

梁王全忠自滄州還威望大沮恐中外離心欲速受禪過魏有疾羅紹威恐全忠襲之說曰今唐室衰微

多未善一切舉動苟且目前殊無長久之計以視漢唐之規模宏遠相去奚啻徑庭

天命已改而四方稱兵者皆以興復為名王宜早正位號以絕人望全忠然之乃歸大梁帝遣御史大夫

薛貽矩至勞之貽矩請以臣禮見北面拜舞於庭還言於帝曰元帥有受禪之意矣帝乃下詔禪位於梁

遣宰相張文蔚楊涉及薛貽矩蘇循張策趙光逢等奉玉冊傳國寶帥百官備法駕詣大梁楊涉子直史

館凝式言於涉曰大人為唐宰相而國家至此不可謂之無過况手持天子璽綬與人雖保富貴奈千載

何盡辭之涉大駭曰汝滅吾質實滄州注見晉穆帝永和六年魏州名

族神色為之不寧者數日注見漢成帝綏和二年魏郡大梁汴州注見周顯王二十九年法駕注見漢高后八年

書法天寶之末遣使奉冊寶如靈武書上皇此其不書唐帝何罪唐臣也自溫謀篡唐之臣子

未有能沮之者今也自洛如梁不為近矣非有王舜之逼而不遠授人無難色書曰如梁所以深罪

舉朝之臣子也故止書唐

發明

自曹馬以來移國者多矣未有書遣使奉冊如唐之詳且悉者何也張文蔚楊涉薛貽矩

之徒為唐大臣手持璽綬勸進逆賊曾不知耻書法如此所以著唐臣之罪爾然則唐帝亦有責乎當是之時大權已去何責之有故止書曰唐而不曰唐帝則文蔚等賣國之罪不容於天地之間矣

夏四月盧龍節度使劉仁恭為其子守光所囚

仁恭驕侈貪暴以大安山四面懸絕築館其上極壯麗實以美女與方士煉藥其中悉歛境內錢瘞山巔令民間用堇泥為錢有愛妾羅氏其子守光通焉仁恭杖守光而斥之至是梁遣李思安擊之直抵城下仁恭在大安城幾不守守光自外引兵入登城拒守却之遂自稱節度使令部將李小喜攻大安虜仁恭

以歸因於別室守質實虛龍節度注見漢武帝元朔

光弟守奇奔河東二年肥如大安山一統志云

在順天府房山縣北八十二里上有大安館相傳五代時劉仁恭所建遺址尚存方士注見憲宗元和六年河東軍名注見齊明帝建武三年

書法為所因何罪仁恭也未有父不失道而為子

所囚者也綱目澄源正本故書罪之然則守

光無罪歟子而囚父罪固不待貶

絕而自見矣故守文舉兵書討

發明書仁恭為子所囚而不書守光因其父者仁恭貪暴不臣之罪不可勝誅守光因其危而

乘之初非其子能囚之也仁恭自囚

爾若守光悖逆之惡亦固在其中矣

梁王全忠更名晃稱皇帝奉唐帝為濟陰王考異

按凡例註

封其故君則曰廢而不

考證

全忠當作朱全忠

張文蔚等至大梁梁王更名晃文蔚等乘輅奉冊寶至金祥殿王披袞冕即皇帝位文蔚等升殿讀冊寶已降帥百官舞蹈稱賀梁主與之宴舉酒勞之曰此皆諸公推戴之力也文蔚等皆慙伏不能對獨蘇循薛貽矩盛稱功德宜應天順人梁主復與宗戚飲博宮中其兄全昱謂曰朱三汝本碭山一民也從黃巢為盜天子用汝為四鎮節度使富貴極矣奈何一旦滅唐家三百年社稷他日得無滅吾族乎梁主不懌而罷奉唐帝為濟陰王遷于集覽碭山注見秦二世曹州拊之以棘使甲士守之集覽元年芒碭山中拊之以棘廣韻注拊圍也左傳哀八年囚諸樓臺拊之以棘注拊雍也拊在薦反雍於勇反質實晁注見漢平帝元始五年社稷注見新莽天鳳元年濟陰郡名注見漢光武建武八年曹州注同上年濟陰

書法

綱目自魏晉以下書稱皇帝廢帝為某公為某王恒辭也此其不書廢何罪唐臣也唐則

奉冊寶如梁矣唐自廢其主也梁何與焉畧全忠所以深罪唐臣也然則予梁乎書稱皇帝如魏晉

則固以篡目之矣終綱目廢主書奉二唯徐知誥無譏焉

發明

賊溫無道大非前代之比然書法甚恕畧不見其篡奪之跡此皆專罪唐人挈國與賊之

意然則張文蔚等可勝誅哉

梁以汴州為東都開封府洛陽為西都長安為大安府

佑國軍質實

汴州注見周顯王二十九年大梁洛陽縣名注同上三年長安縣名注見漢惠帝五

年佑國軍注見玄宗開元十一年京兆

○梁以馬殷為楚王○梁以敬翔

知崇政院事

梁以宣武掌書記太府卿敬翔知崇政院事以備顧問參謀議於禁中承上旨宣於宰相而行之宰相非時奏請皆因以聞後廢樞密院以其職事歸之翔為人沉深有智畧在幕府三十餘年盡心勤勞晝夜不寐自言惟馬上乃得休息梁主性暴戾難近人莫能測惟翔能識其意有所不可未嘗顯言但微示持疑梁主已悟禪代質實宣武軍名注見周顯王二十九年大梁禁中注見宋孝武帝大

明六年幕府注
見秦王政三年

梁以朱友文判建昌院事

初梁主為四鎮節度使凡倉庫之籍置建昌院以領之至是以養子友文判院事掌凡國之金穀友文本

康氏
子也

淮南西川移檄興復唐室

時惟河東鳳翔淮南稱天祐西川稱天復年號餘皆
稟梁正朔蜀王建與楊渥移檄諸道云欲與岐王晉
王會兵興復唐室卒無應者建乃謀稱帝遺晉王書
云請各帝一方晉王復書不許曰誓於此生靡敢失
節
質實 鳳翔府名注見周顯王八年岐移檄注見
楚義帝元年西川道名注見晉武帝泰始八
年益州正朔注見漢
獻帝建安十五年

書法

興復不多書唯劉續嘗書之於是再見然則
予二國乎朱氏篡唐天下皆梁臣矣而淮南

西川猶仍唐歷首倡興復固不得不一予之予二
國所以罪天下也及其倡而不和二國亦復弛然

西川反欲自帝而淮南則區區以爭彈丸之地其無意唐室明矣於是終貶之

發明

唐有天下垂三百年是時征鎮散在四方者莫不俛首事賊獨淮南西川猶能以興復為

詞故綱目亦書而予之且以著人心正理未盡泯滅之意云爾夫豈果以興復之事望之哉

岐王李茂貞開府

茂貞治軍寬簡無紀律兵羸地蹙不敢稱帝質實岐但開岐王府置百官宮殿號令皆擬帝者國

名注見周顯王八年

契丹遣使如梁

初契丹有八部各有大人推一人為王建旗鼓以號令諸部三年一代以次為之及耶律按巴堅為王

尤雄勇奚及室韋達靼咸役屬之按巴堅持其疆不肯受代七部劫之按巴堅不得已傳旗鼓請帥種落居古漢城別自為一部漢城地宜五穀有鹽池之利後稍以兵擊滅七部北侵室韋女真西取突厥故地東北諸蕃皆畏服之是歲帥衆三十萬寇雲州晉王與之連和約為兄弟延之帳中縱酒盡歡約共擊梁或勸晉王擒之王曰讐敵未滅而失信外蕃自亡之道也留之旬日厚贈遺之按巴堅既歸而背盟更附于梁晉王集覽耶律按巴堅契丹主姓耶律名按巴由是恨之堅五代史四裔附錄曰按巴堅本以所居橫帳地名為姓曰世里譯者謂之耶律也耶質餘遮反古漢城通鑑釋文曰故後魏滑鹽縣也

實契丹東胡種名注見晉安帝義熙二年奚東方部名注見陳宣帝太建十三年室帝契丹別部注見

隋恭帝義寧二年達靼北蕃部名注見梁武帝大同十一年突厥女真東方國名注見晉成帝咸康六年

挹婁突厥北

名注見梁武帝大同十一年雲州注見秦王政三年雲中

梁以錢鏐為吳越王

鎮海節度判官羅隱說鏐舉兵討梁曰縱無成功猶可退保杭越自為東帝奈何交臂事賊為終古之羞乎鏐始以隱為不遇於唐必有怨質實鎮海節度注心及聞其言雖不能用心甚義之質實鎮海節度注二年杭州羅隱杭州新城人杭越二州名杭注見憲宗元和二年越注見漢和帝永元元年會稽

梁以高季昌為荆南節度使

依政進士梁震唐末登第歸蜀過江陵高季昌愛其才識留之欲奏為判官震耻之欲去恐及禍乃曰震素不慕榮宦明公不以為愚必欲使參謀議但以白衣侍樽俎可也季昌許之震終身止稱前進士不受

高氏辟署季昌甚重之
以為謀主呼曰先輩

集覽

依政邛州依政
縣在成都路

質實

依政

一統志云西魏縣名屬邛州隋屬雅州唐為邛州治
所宋金因之元省入邛縣故城在嘉定州邛縣東南
五十五里進士注見玄宗開元十七年梁震邛州依
政入江陵郡名注見漢獻帝建安十三年南郡高季
昌陝州人荆南節度注見
漢獻帝建安十三年南郡

梁王封其兄全昱為廣王

全昱不樂在京師常居碣山故里二子皆封王胡氏
曰人而盜竊四心盡亡猶知畏人則有不可亡者但
不能充其類而已朱溫為盜二十年卒竊唐室全昱
初無諫止預其利也及見溫披袞稱帝則惕然驚駭
發於言色所謂不亡之良心也全昱於此誠能審度
大小修短之數無寧堅守所志歸耕碣山則溫之族

固滅而朱之宗必全矣見其不可而不勝其利欲蓄
疑行險既居王爵又封二子於是舉家為賊而參夷
之罪勢必相及雖集覽四心盡亡盡亡謂俱亡也孟
居礪山安能免乎子曰無惻隱之心非人也無
羞惡之心非人也無辭讓之心非人也無是非之心
非人也注言無此四者當若禽獸非人心也為人則
有之矣凡人但不能演用為仁爾充其類注見玄質
宗開元二年參夷之罪夷滅三族也參音倉舍反質
實廣州名注見秦始皇三十三年南
海京師注見周顯王二十五年

梁禮部尚書蘇循等致仕

循及其子楷自謂有功於梁朝夕望為相梁主薄其
為人敬翔李振亦鄙之言於梁主曰蘇循唐之鳴臬
賣國求利不可以立於維新之朝詔循等十五人並
勒致仕楷斥歸田里循父子乃之河中依朱友謙胡

氏曰人莫難於自見蘇循求相與梁之篡國何質實
異朱溫敬翔舍已鴟梟而謂人鴟梟循肯服邪

鴟梟惡聲之鳥名梟與鴞同致仕注見憲宗元
和九年河中府名注見周赧王十二年蒲阪

書法

勒致仕也其書之何書所以為賣國求利者
之戒也書之則何以為戒循等賣國志求相

位而官稱止此書曰梁禮部尚書蘇循等致仕以
見卒無其利而徒為是鴟梟也然則曷為不書詔
梁有慊也梁人知賣國之不忠而不
知篡國之為大惡書詔是予梁矣

發明

循故唐臣也而以梁書何哉賣國求利甘臣
逆賊是固逆賊之臣也以梁書之其罪自見

而不免勒令致仕者則亦使後之臣子安於義命
母非覲以徼利爾然則鴟梟小人徒負不義之名
者果何益
之有哉

六月淮南遣兵擊楚楚大破之遂取岳州

楊渥遣其將劉存許玄應將水軍擊楚楚王殷懼軍使楊定真賀曰我軍勝矣殷問其故定真曰夫戰懼則勝驕則敗今淮南兵驕而王有懼色吾是以知其必勝也殷命指揮使秦彥暉黃璠帥戰艦擊之存等遇雨引兵還彥暉追之存數戰不利遣殷書詐降彥暉使謂殷曰此必詐也勿受鼓譟而進存等走黃璠引兵合擊大破之執存拔岳州玄應渥質實鼓譟注見宋文

帝元嘉二十六年岳州注同上三年巴陵

梁侵晉圍潞州晉遣周德威等救之

梁遣康懷貞攻潞州晉李嗣昭閉城拒守懷貞晝夜攻之半月不克乃築壘穿蚰蜒塹而守之內外斷絕

晉王以周德威為行質實潞州注見周赧王五十三年上黨蚰蜒塹未詳處所

姑俟知者周德威馬邑人

秋七月梁以劉守光為盧龍節度使

八月晉敗梁兵於潞州梁築夾寨守之

晉周德威壁于高河康懷貞遣親騎擊之不克梁主遣李思安代之將兵西上至潞州城下更築重城內以防奔突外以拒援兵謂之夾寨調山東民饋軍糧德威日以輕騎抄之思安乃自東南山口築甬道屬於夾寨德威與諸將互往攻之一晝質實山東道名夜數十發梁兵疲於奔命閉壁不出質實注見宋文

帝元嘉二十五年甬道注見漢王邦二年

九月蜀王王建稱帝

蜀王建議稱帝將佐皆以為然馮涓獨獻議請以蜀王稱制曰朝興則未與稱臣賊在則不同為惡不從涓杜門不出建用副使掌書記帝莊之謀即帝位以王宗信帝莊為宰相唐道襲為內樞密使是時唐衣冠之族多避亂在蜀蜀主禮而用之使集覽朝興則修舉故事故其典章文物有唐之遺風臣與失也言唐朝若能中興我固不失臣節也

發明

前書淮南西川移檄興復唐室其名甚正然繼書淮南擊楚而不聞有討賊之舉又書王

建稱帝而不聞有興唐之謀則吳蜀竊義之名曉然自見特此之甘心臣賊者差勝爾要未得為義

舉也

十一月義昌節度使劉守文舉兵討其弟守光考異

字十

上漏
冬字

守文聞其弟守光幽其父集將吏大哭曰不意吾家
生此梟獍吾生不如死誓與諸君討之乃發兵擊守
光互有勝負守文恐梁集覽梟獍注見晉元
乘虛襲其後遣使請降集覽帝太興元年質實義
昌

節度注見晉穆帝
永和六年滄州

梁赦軍士逃亡為盜者

初梁主在藩鎮用法嚴將校有戰沒者所部兵悉斬
之謂之跋隊斬士卒多亡乃命軍士皆文其面以記
軍號逃輒執之無不死者由是亡者皆聚山澤為盜
至是赦其罪聽還鄉里盜減什七八胡氏曰文面始

於有苗至劉仁恭朱全忠而加甚籍民為兵無罪而黥之使終身不能去非至不仁者莫忍為也其可以為故常而集覽文面始於有苗書伊訓篇臣下不匡無改易邪

刑篇苗民爰始淫為劓刖黥孔氏曰三苗之主頑凶苦民始大為戕人耳鼻椽陰黥面胡致堂曰然則文面之法起於有苗也涅其額者五刑之正黥其面者乃五虐之法也顙受墨涅若膚疾然雖刑而不害以字文面質實藩鎮注見肅則棄人矣宗上元二年

戊辰晉岐淮南稱唐天祐五年梁開平二年○蜀高祖考王建武成元年○是歲西川稱蜀凡五國五鎮

異按歲年例曰建國號國之大者朱注國名謚號姓名年號小者朱注國名此年以後梁後唐晉漢周為大

國國名謚號姓名年號當白字岐淮南西川蜀北春正漢南唐楚閩吳吳越荆南諸小國名亦當用白字

月晉王李克用卒子存勗立考異

立當作嗣

考證

當去李姓立當作嗣

晉王病篤周德威等退屯亂柳晉王命其弟克寧監軍張承業大將李存璋吳珙掌書記盧質立其子晉州刺史存勗為嗣曰此子志氣遠大必能成吾事爾曹善教導之謂存勗曰嗣昭厄於重圍吾不及見矣俟葬畢汝與德威輩速竭力救之又謂克寧等曰以亞子累汝亞子存勗小名也言終而卒克寧久總兵柄有次立之勢軍中多竊議者存勗懼以位讓之克寧曰汝冢嗣也且有先王之命誰敢違之將吏欲謁見存勗存勗方哀哭久未出張承業入曰大孝在不陞基業多哭何為因扶存勗出襲位為河東節度使晉王克寧首帥諸將拜質實亂柳或疑地名未詳處所晉州注見漢獻帝建賀王悉以軍府事委之

安七年河東河東節度注同上年河東

二月蜀以張格同平章事

蜀主登樓有僧挾一目以獻蜀主命飯僧萬人以報之翰林學士張格曰小人無故自殘赦其罪已幸矣不宜復崇獎以敗風俗蜀主乃止至是為相多迎合主意有勝已者必以計排去之

晉兵馬使李克寧謀作亂晉王殺之

初晉王克用多養軍中壯士為子寵遇如真子及存勗立諸假子皆年長握兵心怏怏不服存勗陰說克寧曰兄終弟及自古有之以叔拜姪於理安乎克寧曰吾家世以慈孝聞天下先王之業苟有所歸吾復何求汝勿妄言我且斬汝克寧妻孟氏素剛悍諸假子各遣其妻入說之使迫克寧克寧心動存勗等謀奉克寧為節度使舉河東附梁執晉王及太夫人曹氏送大梁帳下親信史敬鎔知之以告太夫人大駭

名張承業指晉王謂之曰先王把此兒臂授公等如
聞外間謀欲負之但置吾母子有地勿送大梁自他
不以累公承業惶恐曰老奴以死奉先王之命此何
言也晉王以克寧之謀告且曰至親不可自相魚肉
吾苟避位則亂不作也承業乃召李存璋等陰為之
備置酒府舍伏甲執克寧存顯於座晉王流涕數之
曰兒曷以軍府讓叔父叔父不取今事已定奈
何復為此謀忍以吾母子遺仇讐乎遂殺之
快快注見漢光武二年大梁開
封府注見周顯王二十九年

書法

書謀亂矣不書討殺何克寧叔也亦既執
之待以不死而誅其黨可也殺之過矣

發明

言殺不言誅者存叔姪之分也而
曰謀作亂則克寧之罪自著矣

梁主晃弑濟陰王

追諡曰唐哀皇帝

夏五月晉王攻梁夾寨破之潞州圍解

李思安等攻潞州久不下亡將校四十餘人士卒以萬計梁主疑晉王克用詐死欲召兵還恐晉人躡之乃議自至澤州應接歸師且召匡國節度使劉知俊為招討使削思安官爵斬監押楊敏貞晉李嗣昭固守踰年城中資用將竭梁主數遣使諭降之嗣昭焚詔書斬使者梁主欲召兵還諸將以為李克用死晉兵且退上黨孤城無援請更留旬月以俟之梁主從之初晉周德威握重兵在外國人疑之晉王召德威還四月德威至晉陽留兵城外徒步而入伏哭極哀退謁嗣王甚恭衆心由是釋然梁夾寨奏晉兵已去梁主以為援兵不能復來還大梁夾寨亦不復設備晉王與諸將謀曰上黨河東之藩蔽無上黨是無河

東也且朱溫所憚者獨先王爾聞吾新立以為童子
未開軍旅必有驕怠之心若簡精兵倍道趣之出其
不意破之必矣取威定霸在此一舉不可失也張承
業亦勸之行乃大閱士卒以丁會為都招討使帥周
德威等發晉陽五月朔晉王伏兵三垂岡下詰旦大
霧進兵直抵夾寨梁軍無斥候將士尚未起晉王命
周德威李嗣源分兵為二道填坑燒寨鼓譟而入梁
兵大潰南走招討使符道昭馬倒被殺失亡將士萬
計委棄資械山積德威至城下呼嗣昭曰先王已薨
今王自來破賊賊已去矣可開門嗣昭不信曰此必
為賊所得來誑我爾王自往呼之嗣昭見王白服大
慟幾絕城中皆哭遂開門初德威與嗣昭有隙晉王
克用臨終謂存勗曰進通忠孝吾愛之深今不出重
圍豈德威不忘舊怨邪汝為吾以此意諭之若潞圍
不解吾死不瞑目進通嗣昭小名也存勗以告德威
德威感泣由是戰甚力既相見歡好如初梁主聞夾

寨不守大驚既而嘆曰生子當如李亞子克用為不
亡矣至如吾兒豚犬爾胡氏曰喪不二事故春秋於
背喪而即戎者皆深譏之惟其門庭之冠存亡繫焉
然後從權制而無避此費誓所以得列於典謨命誥
之後也若李存勗夾寨之戰君子深有取者與是類
爾梁置夾寨距晉陽不百里可謂危急之勢矣使存
勗於是焉執袁戚之常情忽國家之大計上黨淪陷
則晉陽不存又豈所以為孝是以審緩急量輕重出
奇制勝以走梁師然後霸基
集覽 費誓所以得列於
復安君子美之垂訓大矣 典謨命誥之後記

曾子問篇三年之喪卒哭金革之事無辟也者非與
孔子曰昔者魯公伯禽有為為之也魯有徐夷為寇
魯公帶經征之於費地誓衆故以費誓名篇孔子質
序書以魯有治戎征討之備故以繫帝王書之矣 質

實

澤州注見梁武帝中大通六年建州匡國節度注
見唐玄宗開元十一年同州上黨郡名注見周赧

王五十三年晉陽縣名注見周威烈王二十三年軍
旅注見梁武帝中大通二年三垂岡莫詳處所唯潞
州潞城縣西二十里有三垂山或疑即此未知是否
詰旦注見梁武帝大同二年斥候注見漢武帝元封
元年

晉師攻梁澤州不克

周德威乘勝進趣澤州梁統軍牛存節將兵應接清
兵至天井關謂其衆曰澤州要害地不可失也雖無
詔旨當救之衆皆不欲曰晉人勝氣方銳且衆寡不
敵存節曰見危不救非義也畏敵彊而避之非勇也
遂舉策引衆而前至澤州城中人已欲應晉存節至
乃定晉兵尋至攻之存節晝夜拒戰凡旬有三日劉
知俊引兵救之質實要害注見漢文帝十一年天井
德威退保高平質實關注見唐武宗會昌三年高平

縣名注見周赧王
五十三年長平

晉王歸晉陽

晉王歸晉陽休兵行賞命州縣舉賢才黜貪殘寬租賦撫孤窮仲寬濫禁姦盜境內大治訓練士卒令騎兵不見敵無得乘馬部分已定無得相踰越及留絕以避險分道並進期會無得差晷刻犯者必斬初唐昭宗許晉王克用承制封拜時方鎮多行墨制王耻與之同每除吏必表聞至是存勗始承制除吏尤事張承業升堂拜毋賜遺甚厚潞州圍守歷年士民死者大半嗣昭勸課農桑寬租緩刑數年之間軍城完復

淮南張顥徐溫弑其節度使楊渥溫復攻顥殺之

張顥徐溫專制軍政引農威王心不能平欲去之而未
能二人不自安共謀弑王分其地以臣於梁顥遣
其黨弑王集將吏於府庭列白刃厲聲問曰嗣王暴
虐軍府誰當主之三問莫應氣色益怒幕僚嚴可求
前密啓曰軍府至大四境多虞非公主之不可然今
日則恐太速顥曰何也可求曰劉威陶雅皆先王之
等夷必不肯為公下不若立幼主輔之諸將孰敢不
從顥默然可求因屏左右急書一紙置袖中麾同列
詣使宅賀衆莫測其所為既至可求跪讀之乃太夫
人史氏教也大要言先王創業艱難嗣王不幸早世
隆演次當立諸將宜無負楊氏善輔導之辭旨明切
顥氣色皆沮以其義正不敢奪遂奉王弟隆演稱留
後既罷副都統朱瑾詣可求曰瑾年十六七即橫戈
躍馬衝犯大敵未嘗畏懼今日對顥不覺流汗公面
折之如無人乃知瑾匹夫之勇不及公遠矣因以兄
事之顥以徐溫鎮潤州可求說溫曰公捨牙兵而出

顥必以弑君之罪歸公溫驚曰奈何可求曰顥剛愎而暗於事請為公圖之乃往見顥曰公出徐公於外人皆言公欲奪其兵權而殺之多言亦可畏也顥曰右牙欲之非吾意也業已行矣奈何可求曰止之易爾明日可求邀顥詣溫可求瞋目責溫曰古人不忘一飯之恩况公揚氏宿將今幼嗣初立多事之時乃求自安於外可乎溫謝曰苟諸公見容溫何敢自專由是不行顥知可求陰附溫夜遣盜刺之可求知不免請為書辭府主盜執刀臨之可求操筆無懼色盜見其辭旨忠壯曰公長者吾不忍殺掠其財以復命溫與可求謀密結將軍鍾泰章等壯士三十人斬顥於牙堂暴其弑君之罪初顥與溫謀弑威王溫曰參用左右牙兵心必不一不若獨用吾兵顥不可溫曰然則獨用公兵顥從之至是窮治逆黨皆左右牙兵也由是人以溫為實不知謀隆演以溫為左右牙都指揮使軍府事咸取決焉以可求為揚州司馬溫性沉

毅自奉簡儉雖不知書使人讀獄訟之辭而決之皆中情理立法度禁彊暴政舉大綱軍民安之溫以軍旅委可求以財賦委支質實弘農威王揚行密卒子計官駱知祥皆稱其職渥嗣封弘農王諡曰威陶雅合肥人潤州注見晉成帝咸和三年京口業已行矣注見楚義帝元年揚州注見漢武帝元朔五年南淮

書法

節度為下所殺多矣未有書弒者此其書弒何唐亡也上無天子節鎮專地為之屬者皆

其臣矣書弒所以正君臣之分也然則溫能殺顯何以不書討溫既與弒則賊殺賊而已矣安得以討予之自是終綱目節度書弒二趙王鎔楊渥

發明

節度使未有書弒而此書之者顯溫固渥之臣也顯有弒逆之罪而溫殺之不得為討者

已亦預弒之人爾明年書溫自領昇州刺史則溫篡奪之跡始彰彰乎不可掩此則書法之意也

蜀岐晉會兵攻梁雍州梁遣忠武節度使劉知俊拒却

之質實

雍州注見唐玄宗開元十一年京兆忠武節度注同上年同州

書法

西川嘗書移檄興復矣於是不書討書攻何夷蜀於梁也曷為夷之蜀稱帝號則不足以

言討矣故與岐晉皆書攻

○六月梁殺其金吾將軍王師範夷其族

朱友寧妻泣訴於梁主曰陛下化家為國宗族皆蒙榮寵妾夫獨不幸因王師範叛死於戰場今仇讐猶在妾誠痛之梁主曰朕幾忘此賊遣使族之師範盛陳宴具與宗族列坐謂使者曰予不欲使積屍長幼

無序酒既行命自幼及長以次就死凡二百人

秋七月楚收茶稅

湖南判官高郁請聽民自采茶賣於北客收其征以贍軍楚王殷從之請於梁置回圖務運茶於河南北賣之以易繒纊戰質實湖南道名注見宋馬而歸由是富贍文帝元嘉十六年

書法自德宗書初稅茶至文宗而增重其法茶之為民害也多矣王涯既敗始詔罷焉於是楚復收之害未有已也故謹書之

淮南將吏推揚隆演為節度使

淮南將吏請於李儼承制授質實淮南郡名注見漢隆演淮南節度使弘農王武帝元朔五年淮

南節度注
同上文

九月淮南遣兵攻吳越圍蘇州

淮南遣指揮使周本擊吳越圍蘇州吳越攻拔東洲
淮南遣柴再用復取之再用方戰舟壞僅而得濟家
人為之飯僧千人再用悉取其食
以犒部兵曰士卒濟我僧何力焉
質實周本宿松人
注見漢獻帝建興三年東洲一統志云鎮名本漢海
陵縣東境地五代置海門縣屬通州以僻在海隅之
處因名宋元仍舊國
朝因之改屬揚州府

冬十月華原賊帥溫韜發唐諸陵質實

華原一統志云
漢之縣名隋為

宜君郡治所唐屬耀州元省之故城在西安府城北一
百八十里耀州境內唐諸陵注見唐懿宗咸通四年

書法

盜發必書重山陵也終綱目書盜發山陵七詳楚義帝元年

○十一月晉遣兵擊劉守文敗之

劉守文攻幽州劉守光求救於晉晉王遣兵五千助之守文敗還胡氏曰朱溫助守光以子囚其父悖天理甚矣然溫弑君篡國之人也又何責焉晉王兵以義動當討守光助守文一舉而父子兄弟之道皆得今乃救守光抑守文人之稱斯師也質實幽州注見謂之何哉其異於朱溫所為幾希矣唐高祖武德四年

書法

梁擊趙以救燕書救癸酉年罪梁也於是守光求救晉遣兵助之不書救何為晉諱也當

是時唯晉大國而稱唐正朔故綱目於晉多予辭不書救不以守光之黨累晉也然守文舉兵書討

而晉擊之直書其事意亦不隱矣

己晉岐淮南稱唐天祐六年梁開
已平三年○是歲凡五國五鎮

春正月梁遷都洛陽

質實

洛陽縣名注見周顯王三年

○二月初日食質實

日食注見新莽天鳳元年

○梁攻岐取丹延鄜坊四州質實

丹延鄜坊四州按一統志丹本後周丹陽

縣地唐改為丹州元省之故城在延安府宜川縣東北
二十九里延注見梁武帝普通六年統萬鄜注見漢獻

帝建安十七年坊注見唐肅宗上元元年

○淮南徐溫自領昇州刺史

徐溫以金陵形勝戰艦所聚乃自以淮南行軍副使
領昇州刺史留廣陵以其假子元從指揮使知誥為

昇州防遏兼樓集覽

元從注見唐肅宗至德二載

質實

金陵郡名注見漢獻

帝興平二年昇州注同上文
廣陵縣名注同上元年江都

夏四月梁以王審知為閩王

審知儉約常躡麻屨府舍卑陋未嘗質實閩國名注見漢武帝
營葺寬利薄賦公私富實境內以安

建元三年閩中

吳越擊淮南兵破之

淮南兵圍蘇州推洞屋攻城吳越將孫瑛置輪於竿
首垂絙投鉏以揭之攻者盡露礮至張網以拒之吳
越王鏐遣指揮使錢鏐等救之蘇州有水通城中淮
南軍張網綴鈴縣水中魚鼈過皆知之吳越虞候司
馬福欲潛行入城故以竿觸網敵聞鈴聲舉網福因
得過入城由是城中號令與援兵相應敵以為神鏐

嘗遊府園見園卒陸仁章樹藝有智而志之至是使仁章通信入城果得報而返吳越兵内外合擊淮南兵大破之擒其將三集覽洞屋俗呼驚車洞其形如十餘人周本夜遁屋隱兵卒於中推之使前以攻城

五月梁殺其佑國節度使王重師夷其族

王重師鎮長安數年梁主怒其貢奉不時以劉質質捍為留後捍譖之云與邠岐通賜自盡夷其族質質

邠岐謂楊崇本李茂貞

劉守光執其兄守文進攻滄州

劉守文以重賂招契丹吐谷渾之衆合四萬屯薊州守光逆戰為所敗守文單馬立於陣前泣謂其衆曰

勿殺吾弟守光將元行欽識之直前擒之滄德兵皆潰守光囚之別室乘勝進攻滄州滄州判官呂充孫鶴推守文子延祚質實吐谷渾西羗種名注見晉元帝建武元年薊州注見秦王

六月梁劉知俊叛奔岐

政三年漁陽滄德二州名滄注見晉穆帝永和六年德注見陳宣帝太建八年安德知俊功名浸盛以梁主猜忌日甚內不自安及王重師誅益懼梁主急徵知俊欲以為河東行營都統知俊弟知浣密使人語知俊云入必死知俊遂以同州附於岐遣兵襲華州守潼關遣人以重利啗長安諸將執劉捍送於岐殺之梁主遣近臣諭知俊曰朕待卿甚厚何忽相負對曰臣不背德但畏族爾詔削知俊官爵遣楊師厚劉鄩等討之鄩至關東獲知俊伏路兵使為前導關吏納之鄩兵直進遂克潼關知俊

舉族奔岐岐王厚禮知俊以為中書令奇質實同州注見

元十一年華州注同上年潼關注見漢獻帝建安十

六年長安縣名注見漢惠帝五年楊師厚潁州斤溝

人長安城注見隋

煬帝大業十三年

秋七月梁以劉守光為燕王質實

燕國名注見唐高祖武德四年幽州

淮南盡取江西地

撫州刺史危全諷帥撫信袁吉之兵攻洪州淮南守
兵纔千人節度使劉威密遣使告急於廣陵日召僚
佐宴飲全諷聞之屯象牙潭不敢進楚王殷遣指揮
使苑玫圍高安以助全諷徐溫問將於嚴可求可求
薦周本乃以本將兵七千救高安本以前攻蘇州無
功稱疾不出可求即其卧内彊起之本曰蘇州之役

敵不能勝我但主將權輕爾今必見用願無置副貳乃可求許之本曰楚人為全諷聲援爾非欲取高

安也吾敗全諷援兵必還乃疾趣象牙潭或曰全諷兵彊君宜觀形勢本曰賊衆十倍於我我軍聞之必

懼不若乘其銳而用之全諷營柵臨溪亘數十里本隔溪布陣先使羸兵嘗敵全諷兵涉溪追之本乘其

半濟縱兵擊之全諷兵大潰本分兵斷其歸路擒全諷乘勝克袁州歙州刺史陶雅遣兵襲饒信饒州刺

史唐寶棄城走米志誠敗苑玫於上高吉州刺史彭玕帥衆奔楚信州刺史危仔倡奔吳越吳越以為淮

南節度副使更其姓曰元氏虔州刺史盧光稠質實以州附于淮南於是江西之地盡入于楊氏

危全諷南城人撫信袁吉四州名撫注見晉安帝隆安二年臨川信注見唐僖宗乾符五年袁注見唐高

宗儀鳳元年吉注見晉安帝元興元年洪州注見漢武帝元鼎五年豫章象牙潭一統志云在南昌府城

南八十里晉鍾離真君故宅在其上高安古地名漢
為建城縣東漢時以上蔡民分徙於此析置上蔡縣
孫吳又析置陽樂宜豐二縣晉改上蔡曰望蔡陽樂
曰康樂隋廢三縣入建城屬洪州唐改曰高安縣為
靖州治所後屬洪州宋瑞州治此元仍舊國朝因之
為瑞州府治所仍屬馬欽州注見漢獻帝建安十三
年新都饒州注見梁武帝太清元年鄱陽上高本漢
豫章郡建城縣地名晉為望蔡縣隋省入建城唐以
故望蔡縣地置上高鎮南唐易鎮為場尋陞為上高
縣宋元俱仍舊國朝因之屬瑞州府危仔倡南城人
全諷之弟虔州注見梁簡文帝大寶元年南康盧
光稠上猶人江西道名注見梁孝元帝承聖二年

冬十月蜀行永昌歷

司天監胡秀
林所獻也

十一月岐遣劉知俊攻梁靈州梁遣兵救之大敗而還

岐王欲取靈州以處劉知俊使自將兵攻之朔方節度使韓遜遣使告急于梁梁主遣康懷貞寇彥卿將

兵攻邠寧以救之克寧衍二州拔慶州南城遊兵及涇州之境知俊聞之解圍引還梁主急召懷貞等還

知俊據險邀之左龍驤軍使王彥章力戰懷貞等乃得過至昇平知俊伏兵山口懷貞大敗僅以身免岐

王以知俊為彰義節度使鎮涇州彥章驍勇絕倫每戰用二鐵鎗皆重百斤一置鞍中一在手所向無前

時人謂之質實靈州注見唐太宗貞觀二十年朔方王鐵鎗郡名注見漢武帝元朔元年邠寧軍

名注見唐肅宗上元元年寧衍二州寧州注同上年衍州未詳沿革姑缺之涇州注見漢光武建武元年

安定慶州注見周顯王四十一年義渠王彥章壽張人昇平縣名注見唐順宗永貞元年彰義節度注見

唐憲宗元和四年

蜀蜀州刺史王宗弁罷質實

蜀州注見宋文帝元嘉九年崇慶

宗弁稱疾罷歸杜門不出蜀主疑其怨望加檢校太保不受謂人曰廉者足而不憂貪者憂而不足吾小人致位至此足矣豈可求進不已乎蜀主嘉其志而許之

書法

刺史未有書罷者書宗弁何美知止也五季之世若宗弁者不多見矣故特書之

庚晉岐吳稱唐天祐七年梁開平四年春正月劉守光克

滄州殺其兄守文

滄州城中食盡呂克選男女羸弱者烹之以給軍食正月劉延祚力盡出降守光使大將張萬進周知裕

輔其子繼威鎮滄州族呂克而釋孫鶴充子琦年十五門下客趙玉給監刑者曰此吾弟也勿妄殺遂挈以逃琦足痛不能行玉負之變姓名乞食於路僅而得免琦感蒙門殄減力學自立晉王聞其名署代州判官守光使人殺守文質實代州注見秦王歸罪於殺者而誅之政三年雁門

二月岐王承制加楊隆演嗣吳王質實

岐州名注見周顯王八年吳國

名注見漢武帝元朔五年淮南

書法

岐王承制爾何以書予隆演也唐室亡矣隆演渥弟也次立無譏矣故綱目自是從稱吳

王是故苟義當嗣隆演雖承制書吳王義不當嗣守光雖梁命止書守光雖自帝止書守光

○夏四月梁夏州亂殺節度使李彞昌以其族父仁福

代之質實

夏州注見漢武帝元朔元年朔方

○梁宋州獻瑞麥

梁宋州節度使衡王友諒獻瑞麥一莖三穗梁主曰豐年為上瑞今宋州大水安用此為詔除本縣令名

遣使詰責友諒以質實惠王友能代之

質實

宋州注見漢後主延熙十八年

梁貶寇彥卿為遊擊將軍

梁左金吾大將軍寇彥卿入朝有民不避道投諸欄外而死彥卿自首梁主以彥卿有功命以私財遺死者家以贖罪御史司憲崔沂劾奏請論如法梁主命彥卿分析彥卿對令從者舉置欄外不意誤死梁主欲以過失論沂奏在法以勢力使令為首下手為從不得歸罪從者不聞而故毆傷人加傷罪一等不得為過失乃責授彥卿遊擊將軍彥卿揚言有得崔沂首者賞萬緡梁主使人謂彥卿曰崔沂有毫髮傷我

當族汝時功臣
集覽
上欄外天井橋
驕橫由是稍肅

五月梁天雄節度使羅紹威卒以其子周翰代之質實

天雄節度注見漢成
帝綏和二年魏郡
○六月梁匡國軍節度使馮行襲

卒質實
匡國節度注見唐玄
宗開元十一年同州

行襲疾篤請代許州牙兵皆秦宗權餘黨梁主深以
為憂命崇政院直學士李珣馳往視行襲珣至謂將
吏曰天子握百萬兵去此數舍爾馮公忠純勿使上
有所疑汝曹赤心奉國何憂不富貴由是衆莫敢異
議行襲欲使人代受詔珣曰東首加朝服禮也乃即
卧內宣詔謂行襲曰公勿視事子孫之福也行襲泣
謝遂解印授珣使代掌軍府
集覽
東首加朝服論語
行襲卒以珣權知匡國留後

朝服拖紳質實

許州注見漢後主建興十年許昌

梁以楚王殷為天策上將軍

楚王殷求為天策上將始開府以弟竇存為相

秋七月岐晉合兵攻梁夏州梁遣兵拒却之

岐王遣使告晉請合兵攻定難節度使李仁福晉王遣周德威將兵會圍夏州梁主恐晉兵襲西京遣兵分屯河陽三原遣李遇邀其歸路岐晉兵皆解去胡氏曰晉之所圖莫重於梁次則燕也李仁福豈能為河東病晉王狗三鎮之請為之遣師德威又不諫止豈欲收三鎮心不得不然耶不然則持國之道踈矣

質實

西京注見唐玄宗開元十一年京兆河陽縣名注見漢帝立更始二年孟津定難節度未詳沿

華三原縣名注見
晉孝武大元五年

八月吳越築捍海石塘廣杭州城

由是錢塘富質實捍海石塘一統志云在杭州府城
庶盛於東南質實東三里舊志云江挾海潮為杭人
患梁開平中錢武肅王始建候潮通江門潮水衝激
板築不就因命強弩數百以射潮頭既而潮水漸向
西陵乃積石植木為塘捍之城基始定土人相傳吳
越王箭所射止處嘗立鐵幢因名鐵幢浦今其鐵箭
尚存錢塘縣名注見
漢獻帝興平元年

書法

城不書必關要而後書非關要則京都也終
綱目書廣城四
是年杭州已卯年晉德勝王

辰年徐知誥金陵乙卯年周大梁
城也德勝關要也唯金陵知誥未都先城之
杭州大梁都

冬十一月蜀主立其假子宗裕等為王

初唐末宦官典兵者多養軍中壯士為子以自強由是諸將亦效之而蜀主尤多至百二十人雖冒姓連名而不禁婚姻

書法

封子不書主此其書何假子也而悉封王甚矣故斥主譏之終綱目封子書主五詳陳已

卯年

惟此

為譏辭

梁遣兵襲鎮州取深冀鎮定推晉王為盟主晉遣兵救之

梁主疑趙王鎔貳於晉且欲因鄴王紹威卒除移鎮定會燕王守光發兵侵定州遣供奉官杜廷隱丁延

徵監魏博兵三千分屯深冀聲言助趙守禦趙將石公立戍深州白鎔拒之鎔不從公立出門指城而泣曰朱氏滅唐社稷三尺童子知其為人而我王猶恃姻好以長者期之此所謂開門揖盜者也惜乎此城之人今為虜矣深冀民見魏博兵入奔走驚駭未幾廷隱等閉門盡殺趙戍兵乘城拒守鎔始命公立攻之不克乃遣使求援於燕晉與義武節度使王處直共推晉王為盟主合兵攻梁晉王會將佐謀之皆曰鎔久臣朱溫輸賂結昏其交深矣此必詐也王曰彼亦擇利害而為之爾王氏在唐猶或臣或叛况肯終為朱氏之臣乎今救死不贍何顧昏姻我若疑而不救正墮朱氏計中乃遣周德威將兵出井陘屯趙州鎔使者至幽州守光方獵孫鶴馳詣野謂曰趙人乞師此天欲成王之功業也守光曰何故對曰比常患其與朱溫膠固溫之志非盡吞河朔不已今彼自為仇敵王若與之併力破梁則鎮定皆斂衽而朝燕矣

不早出師但恐晉人先我矣守光曰王鎔數負約今使之與梁自相弊吾可以坐承其利又何救焉不為出兵自是鎮定復稱唐天祐年

集覽

除移鎮定除移號梁主命王景仁等將兵擊之

除代而移徙之

也鎮州本漢常山郡今真定府是定州本漢中山郡今中山府是分屯深冀分屯分兵屯守二州也深州本漢博陵郡冀即禹貢冀州也二州俱在河正誤我北東路先我注見唐德宗興元元年先人

今按此言但恐晉

質實

鄴國名注見漢獻帝建安十年先我救趙也

五年鎮定二州名鎮注見漢

光武建武九年常山定注見周威烈王二十三年中山深冀二州名深注見唐穆宗長慶二年冀注見秦二世二年信都義武節度注見周威烈王二十三年中山趙王鎔趙國名注見漢景帝三年鎔成德節度王景崇之子梁初封為趙王井陘縣名注見秦王政十八年趙州注見漢景帝三年王景仁合肥人

十二月梁定律令格式行之○梁進軍逼鎮州晉王救之次于高邑

梁王景仁等進軍柏鄉趙王鎔復告急於晉晉王自將東下王處直遣將將兵五千以從至趙州與周德威合獲梁芻蕘者問之曰梁主戒上將云鎮州反覆終為子孫之患命悉以精兵付汝鎮州雖以鐵為城必為我取之晉王命送於趙進軍距柏鄉三十里遣周德威等以蕃騎迫梁營挑戰梁兵不出進距柏鄉五里營於野河之北又遣蕃騎迫梁營馳射且詬之梁將韓勅等將步騎追之鎔曹鮮華光彩炫耀晉人望之奪氣德威謂李存璋曰梁人志不在戰徒欲曜兵爾不挫其銳則吾軍不振乃徇于軍曰彼皆汴州屠酤傭販之徒爾衣鎧雖鮮十不能當汝一擒獲一夫足以自富乃奇貨不可失也帥精騎千餘擊其兩

端獲百餘人且戰且却距野河而止言於晉王曰賊勢甚盛宜按兵以待其衰王曰吾孤軍遠來救人之急三鎮烏合利於速戰公乃欲按兵持重何也德威曰鎮定之兵長於守城短於野戰且吾所恃者騎兵利於平原廣野可以馳突今壓賊壘門騎無所展其足且衆寡不敵使彼知吾虛實則事危矣王不悅退卧帳中諸將莫敢言德威往見張承業曰大王驟勝而輕敵不量力而務速戰今去賊咫尺所限者一水爾彼若造橋以薄我我衆立盡矣不若退軍高邑誘賊離營彼出則歸彼歸則出別以輕騎掠其饋餉不過踰月破之必矣承業入寨帳撫王曰此豈王安寢時邪德威老將知兵其言不可忽也王蹶然而興曰予方思之梁兵有降者詰之曰景仁方造浮橋王謂德威曰果如公言是日拔營退保高邑胡氏曰晉王雖善將兵而不善將將欲功自己出而短於用人高邑之役非承業啓其意則德威必死矣存勗資性如

此莫之能改他日胡柳陂竟違德威之謀遂失良將
故君子有言必心不外乃能統大衆智不鑿乃能處
大事晉王鑿智自私而心集覽薄我注見齊和帝中
不廣此功名所以不遂歟
柳陂晉與梁戰于胡柳陂周德質實柏鄉縣名注見
威敗死在梁主瑱貞明四年
唐憲宗元和十
一年芻蕘芻草也蕘薪也挑戰注見漢王邦四年野
河未詳處所唯真定府井陘縣東南一十五里有甘
陶河一名冶河源發平定州松嶺流經縣界合綿蔓
河又東南流至平山縣入滹沱河或疑即此汴州注
見周顯王二十九年大梁高邑縣名注見漢光武建
武元年鄣邑浮橋注見周世宗顯德二年浮梁胡柳
陂未詳
處所

書法

凡救書次譏也此其譏歟美從諫也於是德
威請止高邑晉王不悅承業諫而從之知難

而退君子所許也美惡不嫌同辭終綱目救書次
五晉郤武陵王紀王琳晉王戊申年唐遣兵惟王

琳晉王
非譏辭

辛晉岐吳稱唐天祐八年梁乾化元年
未○蜀永平元年○是歲凡五國五鎮
春正月朔日食

質實

日食注見新
莽天鳳元年

書法

日食正朔大變也終綱目書日食三百六十
七而正朔日食者二十八詳周安王十五年

及漢惠帝七年舍是

無書正朔食者矣

○晉王伐梁軍于柏鄉大破之

柏鄉比不儲芻梁兵刈芻自給晉人抄之梁兵不敢
出剽屋茅坐席以餉馬馬多死周德威與別將史建

瑋李嗣源將精騎三千壓梁壘門而詔之王景仁韓
勅怒悉衆而出德威等轉戰而北至高邑南李存璋
以步兵陳於野河之上梁兵橫亘數里競前奪橋鎮
定步兵禦之勢不能支晉王謂指揮使李建及曰賊
過橋則不可復制矣建及力戰却之王登高丘以望
曰梁兵爭進而囂我兵整而靜我必勝戰自巳至午
勝負未決王謂德威曰兩軍已合勢不可離我之興
亡在此一舉我為公先登公可繼之德威叩馬諫曰
觀梁兵之勢可以勞逸制之未易以力勝也彼去營
三十餘里雖挾糗糧亦不暇食日昃之後饑渴內迫
矢刃外交士卒勞倦必有退志當是時我以精騎乘
之必大捷今未可也王乃止至晡梁軍未食果引却
德威疾呼曰梁兵走矣晉兵大譟爭進梁兵驚怖大
潰李存璋引步兵乘之呼曰梁人亦吾人也父兄子
弟餉軍者勿殺於是戰士悉解甲投兵而棄之囂聲
動天地趙人以深冀之憾不顧剽掠但奮白刃追之

梁之精兵殆盡棄糧食資械不可勝計凡斬首二萬級河朔大震晉王收兵屯趙州杜廷隱等棄深冀而

去集覽

比不儲多比毘至反猶言質實史建瑯鴈門人河朔二州

名注見唐玄宗天寶十五載

書法

前書梁襲鎮州罪梁也故晉書救至是而大書伐梁軍則予晉之為盟主矣

發明

前此梁晉交攻屢矣至是始稱伐者或解圍或救援非直與梁對壘故爾今焉正其名義

則明晉之為唐復讐而著梁之有罪也然則何以不書討曰討大矣晉非純乎義者特假之而行爾權其輕重書之以伐且著其破梁之功則亦少伸大義於天下而使三綱之理未盡泯也嗚呼微矣

晉師圍邢魏梁兵救之晉師還

晉主遣周德威史建瑭趣魏張承業李存璋攻邢州自以大軍繼之移檄河北州縣諭以利害自攻魏州不克梁主以羅周翰年少且忌其舊將佐以李振為天雄節度副使命杜廷隱將兵千人衛之間道夜入魏州助周翰城守晉王觀河於黎陽梁兵將度皆棄舟而去德威拔夏津高唐東武朝城澶州刺史棄城走進攻黎陽拔臨河淇門逼衛州掠新鄉共城梁主帥親軍屯白司馬阪以脩之劉守光淫虐滋甚每刑人必置諸鐵籠以火逼之又以鐵刷刷人面聞梁兵敗使人謂趙王鎔及王處直曰聞二鎮與晉王破梁兵舉軍南下僕亦有精騎三萬欲自將之為諸公啓行然四鎮連兵必有盟主僕若至彼何以處之鎔告于晉王晉王笑曰趙人告急守光不能出一卒以攻之及吾成功乃復欲以兵威離間二鎮愚莫甚焉

諸將曰雲代與燕接壤彼若擾我城戍動搖人情亦腹心之患也不若先取守光然後可以專意南討王

曰善會梁揚師厚引兵救邢魏晉王解圍去師厚留屯魏州趙王鎔來謁晉王大犒將士自是遣其養子

德明將三十七都常從晉王征討德明本姓集覽檀張名文禮晉王歸晉陽留周德威等戍趙州魏

檀本漢頓丘縣地唐宋皆名澶州取古澶淵為名今開州是魏州在澶州北一百六十二里今大名府是

質實漢魏二州名澶注見隋恭帝皇泰二年魏注見漢成帝綏和二年邢州注見楚義帝元年襄國

黎陽縣名注見漢成帝綏和三年夏津縣名注見隋煬帝大業七年鄒高唐縣名注見周顯王十四年東

武縣名注見秦王政十四年武城朝城縣名注見隋文帝開皇十二年臨河縣名注見唐昭宗大順二年

淇門縣名注同上年衛州注見秦王政六年朝歌新鄉縣名注見均王龍德二年共城縣名注同上年白

司馬阪未
詳處所

三月梁清海節度使劉隱卒弟巖知留後質實

清海節度注見

秦始皇三十三年南海

○夏四月岐攻興元蜀兵擊卻之

蜀主之女普慈公主嫁岐王從子繼崇繼崇驕矜嗜酒蜀主召公主歸寧留之岐王怒始與蜀絕至是岐

王聚兵寇蜀興元

集覽

歸寧詩葛覃篇歸寧父母注寧安也謂問安也父母在則

有時歸寧爾泉水篇序父母終恩歸寧而不得注質國君夫人父母在則歸寧沒則使大夫寧於兄弟

實

普慈縣名注見唐高宗顯慶三年普州興元府名注見周赧王四年漢中

晉王推劉守光為尚父梁亦以為采訪使

守光嘗衣赭袍顧謂將吏曰今天下大亂英雄角逐
吾兵彊地險亦欲自帝何如孫鶴曰今內難新平公
私困竭太原窺吾西契丹伺吾北遽謀自帝未見其
可大王但養士愛民訓兵積穀德政既修四方自服
矣守光不悅又使人諷鎮定求尊已為尚父趙王鎔
以告晉王晉王怒欲伐之諸將皆曰是為惡極矣行
當族滅不若陽為推尊以稔之乃與鎔及義武王處
直昭義李嗣昭振武周德威天德宋瑤六節度使共
奉冊推守光為尚書令尚父守光不寤益驕表梁主
曰晉王等推臣臣荷陛下厚恩未之敢受不若陛下
授臣河北都統則并鎮不足平矣梁主亦知其狂愚
乃以守光為河北道採訪使遣使冊命之守光命僚
屬草受冊儀僚屬取唐冊太尉儀獻之守光問何得
無郊天改元之事對曰尚父人臣也安有郊天改元
者乎守光怒投之於地曰我地方二千里帶甲三十
萬直作河北天子誰能禁我尚父何足道哉命趣具

即帝位之儀械繫梁及諸集覽尚父注見唐肅宗寶應元年質實

道使者於獄既而皆釋之褚袍天子之服也褚音者赤黃色太原府名注見齊明帝建武三年并州昭義軍名注見周赧王五十三年

上黨振武軍名注見秦王政三年鴈門天德軍名注見唐憲宗元和八年并鎮二州名并注見齊明帝

建武三年鎮注見漢光武建武九年常山陛下注見漢光武建武二十七年

書法

尚父有書尊者矣郭子儀有書號者矣王行瑜此其書推何六鎮所推也尚父天子所以

尊大賢也豈鎮使得用之乎而用之守光無父之人益非矣雖曰以稔其惡終非正也書交譏之諸

鎮不書書晉王何專咎盟主也

發明

守光囚父殺兄晉王前日助之已為非義今又從而尊之何哉然守光自囚其父乃使他

人尊已為尚父固其狂愚無足道者怒而欲伐晉王可謂審於知義矣陽為推尊晉之諸臣何不思之甚乎揭書晉王是亦制命在君之義也

秋七月梁主避暑于河南尹張宗奭第

宗奭即全義也梁改其名梁主避暑其第亂其婦女殆徧宗奭子繼祚不勝憤耻欲弑之宗奭止之曰吾家頃在河陽為李罕之所圍啗木屑以度朝質實

河南

府名注見秦莊襄王元年三川

書法

避暑何久辭也與留飲十日者又異矣終綱目書幸諸臣之家五幸其府二詳漢安帝建

光元年

譏莫

甚於此也

發明

君臣為謔禮典有經朱溫假避暑之行瀆亂男女向使張繼祚得行其謀則其及也固不

俟友珪之變矣然溫本故盜賊初無足責書之姑以著其遺臭云爾

梁遣楊師厚將兵屯邢州趙王鎔會晉王于承天軍考

異

此前未書封鎔為趙王疑漏

趙王鎔以楊師厚在邢州甚懼會晉王于承天軍晉王謂鎔父友也事之甚恭謂曰朱溫之惡極矣天將誅之雖有師厚輩不能救也脫有侵軼僕自帥眾當之叔父勿以為憂鎔奉卮為壽謂晉王為四十六舅晉王許以女妻其幼子昭

集覽

侵軼注見晉穆帝永和二年奉卮為壽史

記漢高本紀奉玉卮為太上皇壽注卮鄉飲酒禮器也受四升灌夫傳起為壽注上酒為稱壽非大行酒

質實

承天軍未詳
沿革姑缺之

八月燕王劉守光稱帝

守光將稱帝將佐多竊議以為不可守光乃置斧質於庭曰敢諫者斬孫鶴曰滄州之破鶴分當死蒙王生全以至今日敢愛死而忘恩乎竊以為為今日之帝未可也守光怒伏諸質上令軍士剛而噉之鶴呼曰百日之外必有急兵守光命以土窒其口寸斬之遂即位改元應天受冊之日契丹陷平州燕人驚擾

集覽

斧質注見秦二
世三年伏鐵質質實

燕國名注見唐高祖武德四年幽州契丹北蕃部名

注見晉安帝義熙二年平州
注見秦王政三年右北平

書法

守光篡父綱目一再削爵矣此其書燕王何
不書燕王無以知稱帝之為燕帝也雖書稱

帝綱目終不以燕主書之然守光稱帝孫鶴諫死則曷為不書曰鶴之死當於殺守文時也守文舉義不克見殺鶴佐吏也乃復忍耻事讐於是而死固已晚矣故綱目略之

岐王使劉知俊攻蜀圍安遠軍

岐王使知俊李繼崇將兵擊蜀蜀將王質實安遠軍宗侃大敗奔安遠軍知俊繼崇追圍之質實未詳處

所王宗侃
壽張人

九月梁主如相州

梁主聞晉趙謀南伐自將拒之至衛州方食軍前奏晉軍已出井陘遽命輦北趣邢洛晝夜倍道兼行至相州聞晉兵不出乃止刺史李思安集覽落然落寥不意梁主猝至落然無具坐削官爵集覽落也蕭索

貌質實

相州注見漢元帝建昭二年魏郡井陘縣名注見秦王政十八年邢洺二州名邢注見楚

義帝元年襄國洛注見漢武帝元狩四年廣平

冬十月晉遣李承勲使于燕

晉王聞劉守光稱帝大笑曰俟彼十年吾當問其罪矣張承業請遣使致賀以驕之晉王遣太原少尹李承勲往用鄰藩通使之禮燕典客欲使稱臣庭見承勲曰吾受命於唐朝為太原少尹燕王豈得而臣之乎守光怒囚之數日竟不能屈胡氏曰晉諸將請尊劉守光以稔其惡張承業請賀其稱帝以驕其心自詐謀而論則用兵之善計自義而論則不若晉王欲伐之為正也昔湯嘗事葛矣教之以禮導之以善一不從再不從而終不悛也然後伐之方守光圖為僭竊晉王宜遣使為言人倫不可恃天命不可干囚

父殺兄僭居大號天下其孰容之守光長惡迷復於是致討必師涉燕地而變生肘腋矣此其舉措豈不賢於承業諸集覽問其鼎注見梁武帝大通元年湯人之計乎嘗事葛葛夏之諸侯嬴姓國也湯居毫與葛為鄰葛伯放而不祀湯先助之故孟子曰湯事葛

十一月梁主還洛陽

梁主發相州至洹水邊吏言晉趙兵南下梁主即時進軍至魏縣或告云沙陀至矣士卒忙懼多逃亡嚴刑不能禁既而復告云無寇上下始定梁主以夾寨柏鄉屢失利故力疾北巡思一雪其耻意鬱鬱多躁忿功臣宿將往往以小過被誅衆心益懼既而晉趙兵竟不出梁主南還納懷州刺史段明遠妹為美人明遠饋獻豐備梁主質實洹水地名注見漢成帝綏悅至洛陽疾復作和二年魏縣注同上年沙

陀處月別種注見唐睿宗太極元年懷州注見宋順帝昇明元年

幽州參軍馮道奔晉

劉守光謀攻易定道以為未可繫獄得免質實幽州注見

亡奔晉張承業薦之晉王以為掌書記唐高祖武德四年馮道瀛州樂壽人伉之曾孫也易定二州名易注見周世宗顯德六年定注見周威烈

王二十三
年中山

書法奔者何危不早也守光因父殺兄僭稱大號
道不聞直諫而區區於易定之役道所以自

全也而不免而
後奔故書危之

蜀主自將擊岐兵大破之

蜀王宗弼王宗播再敗岐兵蜀主如興元安遠軍望其旗王宗侃等鼓譟而出與援軍夾攻岐兵大破之拔二十一寨斬其將李廷志等岐兵解圍遁去唐道襲先伏兵於斜谷邀擊又破之岐王左右讒劉知俊岐王奪其兵李繼崇曰知俊舉族居于秦州我不宜以讒廢之知俊舉族居于秦州歸質實斜谷見漢獻帝初平二年秦州注見漢光武建武元年天水

劉守光寇易定晉遣兵救之

書法

兩鎮相加書攻擊恒也此其書寇何守光因父殺兄又借大號是真賊矣於是犯晉同盟

故寇之而下書伐

壬晉岐吳稱唐天祐九年梁乾春正月晉師及鎮定之申化二年○是歲凡五國五鎮

兵伐幽州二月梁主救之大敗走還

晉周德威東出飛狐與趙將王德明義武將程巖會于易水攻燕祁溝關下之圍涿州刺史劉知溫城守劉守奇之客劉去非大呼於城下謂知溫曰河東小劉郎來為父討賊何豫汝事而堅守邪守奇免胄勞之知溫遂降周德威疾守奇之功諧諸晉王守奇恐獲罪與去非及進士趙鳳奔梁梁主以為博州刺史先是守光籍境內丁壯悉文面為兵雖士人亦不免鳳詐為僧奔晉守奇客之德威遂至幽州城下守光求救于梁梁主自將救之從官以梁主誅戮無常多憚行梁主怒至白馬頓賜從官食多未至遣騎趣之散騎常侍孫隲等三人後至撲殺之至武陟段明遠供饋有加於前帝追思李思安前事貶柳州司戶告曰觀明遠之忠勤如此見思安之悖慢何如尋長流崖州賜死明遠後更名凝梁主至魏州命楊師厚李

周彝園棗彊賀德倫袁象先園蔣縣晝夜兼行至下
博遇趙將符習引數百騎巡邏或告曰晉兵大至矣
梁主棄行幄亟引兵趣棗彊與師厚軍合師厚急攻
棗彊數日不下城壞復脩死傷萬數城中矢石將竭
謀出降有一卒奮曰賊自柏鄉喪敗以來視我鎮人
裂皆今往歸之如自投虎狼之口爾我請獨往試之
夜縋出降周彝召問之對曰非半月未易下也因請
一劍效死周彝不許使荷擔從軍卒得間舉擔擊周
彝首踣地救至得免梁主愈怒命師厚晝夜急攻屠
之德倫攻蔣晉將李存審謂史建瑭李嗣肱曰吾王
方有事幽薊無兵此來使賊得蔣必西侵深冀患益
深矣當與公等以奇計破之存審乃引兵扼下博橋
使建瑭嗣肱分道擒生遇梁軍之樵芻者皆執之獲
數百人殺之留數人斷臂縱去曰為我語朱公晉王
大軍至矣時梁主引師厚兵攻蔣未及置營建瑭嗣
肱各將三百騎效梁軍旗幟服色與樵芻者雜行暮

至營門縱火大譟弓矢亂發營中大擾不知所為斷臂者復來曰晉軍大至矣梁主大駭燒營夜遁迷失道委曲行百五十里徭之耕者皆荷鋤奮挺逐之委棄資械不可勝計既而復遣騎覘之曰晉軍實未來

此乃史先鋒遊騎爾

集覽

飛狐注見漢王邦三年蜚狐祁溝關禹貢冀州之域

祁或作岐今易州涑水縣岐溝鎮是白馬頰頰館舍也今滑州白馬縣是孫隲等三人孫隲與張衍張雋

李思安前事在去年九月東疆縣名也漢地志清河郡有棗疆縣今隸冀州徭縣注見隋煬帝大業七年

徭人下博注見漢帝玄更始二年裂皆皆目眚也裂破目眚言其怒之甚幽薊幽禹貢冀州之域舜以冀

州南北廣遠分燕北地置幽州以在北方幽陰之地也今大興府是薊本幽州漁陽縣秦置漁陽郡唐武

德以後析幽州三縣置薊州薊本作鄣

質實

易水注見秦王政二十二年涿州注見漢帝玄更始

二年趙鳳幽州人博州注見漢光武建武八年東郡
白馬縣名注見漢獻帝建安五年武陟縣名注見周
烈王六年懷崖州注見漢武帝元鼎六年朱崖柳州
注見唐中宗嗣聖元年棗彊一統志云漢之縣名屬
清河郡東漢省魏復置晉析置廣川縣屬渤海郡北
齊省廣川縣入棗彊其地棗木彊盛故名隋唐皆屬
冀州宋省為鎮尋復置金元俱仍舊國
朝因之改屬真定府史先鋒謂史建塘

書法

殊鎮定何尊盟主也柏鄉之師晉書伐矣於
是再書伐皆予之也晉仍唐歷舉事近義故

綱目多
子辭

發明

劉守光因父殺兄僭竊大號今又進冠易定
然晉人舉兵乃僅以伐書何哉始焉助之次

焉推尊之終焉又遣使賀之晉人之失亦既多矣
大義不明不足以盡誅討之實故綱目予之而不

盡予者良有以也若夫朱溫黨惡固自均為逆賊大敗走還蓋亦天誅之也何足道哉

滄州人殺劉繼威

義昌節度使劉繼威年少淫虐類其父淫於都指質揮使張萬進家萬進怒殺之梁以萬進為節度使質

實

義昌節度注見晉穆帝永和六年

書法

繼威何節度使也曷為不書削之也繼威淫虐指揮張萬進殺之綱目澄源正本不書萬

進書人垂戒深矣

發明

劉繼威為張萬進所殺而以滄州人書之者明繼威淫虐州人皆欲殺之云爾

晉師克瓦橋關

周德威遣裨將攻瓦橋關其將吏及莫州刺史李嚴皆降嚴涉獵書傳晉王使傳其子繼岌嚴固辭王怒將斬之教練使孟知祥諫曰彊敵未滅大王豈宜以一怒戮嚮義之士乎乃免之知祥李克讓之壻也

質實

瓦橋關一統志云在保定府雄縣為三關之一莫州注見周世宗顯德六年孟知祥邢州人

夏四月晉師克瀛州質實

瀛州注見漢帝玄更始二年河間

書法

澤雍夏皆書梁某州此其不書梁瀛州何取之也取之則曷為不書不以取非其有為晉

王病也曷為不以取非其有為晉病河北唐之河北晉稱天祐則猶唐臣也以唐臣取唐地何病焉凡晉之攻梁地不克則書梁某州克則不書梁某州是故瀛州不書梁德州不書梁澶州不書梁衛磁不書梁洺州不書梁相邢二州不書梁滄州不書梁貝州不書梁梁取晉地則書晉某地是故攻

晉魏州書晉攻晉德勝南城書晉晉臣降梁書叛
是故潞州降梁以叛書梁臣降晉則不書叛是故
朱友謙再降晉不書叛隰州降晉不書叛魏人降
晉不書叛張萬進降晉不書叛皆所以重予晉也
其予晉何也梁篡國晉
臣唐予晉抑梁正也

○五月梁主至洛陽

梁主至洛陽疾甚謂近臣曰我經營天下三十年不
意太原餘孽更昌熾如此吾觀其志不小天復奪我
年我死諸兒非彼敵也吾無質實
葬地矣因哽咽絕而復蘇
顯王三年太原餘
孽謂晉王
李存勗

書法前書如相州繼書還洛陽次書救幽州敗走
繼書至洛陽八九月間梁主之奔走亦疲矣

一一書之志
晉之興也

劉守光遣兵出戰晉人擊敗之擒其將考異

據提要將字下有單

廷珪
三字

守光遣其將單廷珪將精兵萬人出戰與周德威遇於龍頭岡曰今日必擒周陽五以獻陽五德威小名也既戰單騎逐之槍及德威背德威側身避之奮搥反擊廷珪墜馬擒之燕兵退走引騎乘之斬首三千級廷珪燕驍將也質實龍頭岡未燕人失之奪氣詳處所

吳徐溫攻宣州克之殺其觀察使李遇

吳鎮南節度使劉威歙州觀察使陶雅宣州觀察使李遇常州刺史李簡皆武忠王舊將有大功以徐溫

秉政內不能平李遇尤甚館驛使徐玠使於吳越溫使說遇入見新王曰公不爾人謂公反遇怒曰君言

遇反殺侍中者非反邪溫怒以王檀為宣州制置使數遇不入朝之罪遣柴再用徐知誥副之遇不受代

再用攻之踰月不克遇少子為淮南牙將溫執之至城下示之遇不忍戰乃請降溫斬之夷其族於是諸

將始畏溫莫敢違其命知誥以功遷昇州刺史知誥事溫甚謹溫特愛之每謂諸子曰汝輩事我能如知

誥乎時諸州長吏多武夫專以軍旅為務不恤民事知誥獨選用廉吏脩明政教招延四方士大夫洪州

進士宋齊丘好縱橫之術謂知誥奇之辟為推官與判官王令謀參軍王翊專主謀議以牙吏馬仁

裕曹棕集覽縱橫之術蘇秦張儀之術也注見周安為腹心王十五年縱橫王翊姓名也翊音胡萌

反質實宣州注見漢明帝永平十三年丹陽常州注見隋煬帝大業十二年毘陵武忠王楊行密

卒諡曰武忠王洪州注見漢武帝
元鼎五年豫章宋齊丘萬載人

書法

遇不朝吳斥徐溫何溫私也
故不書討書攻不書誅書殺

六月梁郢王友珪弑其主晃而自立

梁主長子柳王友裕早卒次假子博王友文梁主特
愛之常留守東都次郢王友珪其母亳州營娼也為
控鶴指揮使無寵次均王友貞為東都指揮使初張
后嚴整多智梁主敬憚之后殂梁主恣意聲色諸子
雖在外常徵其婦入侍友文婦王氏色美尤寵之欲
以友文為太子友珪心不平梁主疾甚命王氏召友
文欲付以後事友珪婦張氏知之密告友珪曰大家
以傳國寶付王氏懷往東都吾屬死無日矣夫婦相
泣左右或說之曰事急計生何不攻圖六月朔梁主
命敬翔出友珪為萊州刺史友珪恐易服微行入左

龍虎軍見統軍韓勅以情告之勅亦見功臣多被誅
懼不自保遂相與合謀以牙兵從友珪雜控鶴士中
夜斬闕入至寢殿梁主驚起曰我固疑此賊恨不早
殺之汝悖逆如此天地豈容汝乎友珪曰老賊萬段
友珪僕夫馮廷諤刺梁主腹刃出於背以敗瓊襄之
瘞於寢殿遣供奉官丁昭溥馳詣東都命友貞殺友
文矯詔稱友文謀逆賴友珪忠孝將兵誅之宜令友
珪權主軍國之務韓勅為友珪謀多出金帛賜諸軍
及百官以取悅乃發喪即位胡氏曰朱溫雖篡逆無
道若其用兵則雄長一時矣及晚節末路平日狡桀
畧不復施何也溫本羣盜豈嘗有天下之志一日據
非所據意滿氣得豐殖乎貨財沈溺乎子女精銳之
鋒勢自銷與皎厲之智
浸以昏昧何足怪哉

集覽

老賊萬段唐段秀實罵
朱泚曰吾恨不斬汝萬

段即質實

郴州名注見楚義帝元年鄧州名注見齊
和帝中興元年亳州注見漢獻帝建安十

五年譙邑均州名注見齊元帝建武元年武當大家
注見陳宣帝太建三年萊州注見漢安帝永初十二

年刺史官名注見漢成帝建始四年部
刺史東都注見秦莊襄王元年三川郡

發明

朱溫篡唐其兇暴悖逆世所未有至其末年
禍亦不小且溫既能以臣弑君故友珪亦能

以子弑父其屠戮之慘殆與祿山無異此皆天理
昭昭之報也况其淫汙雜揉又祿山之所無者乎

據事書之
理自見矣

梁忠武軍亂殺節度使韓建

書法

唐亡節度書弑矣此則曷為書
殺梁鎮也故不從淮南趙例

○秋七月梁以楊師厚為天雄節度使

天雄節度使羅周翰幼弱楊師厚軍於魏州久欲圖之憚太祖威嚴不敢發至是引兵入牙城據位視事

梁以師厚為天雄節度使質實宣義軍名注見隋度使徙周翰鎮宣義恭帝皇泰二年

梁加吳越王鏐尚父質實

尚父注見唐肅宗寶應元年

○梁遣兵擊

河中節度使朱友謙降晉

友珪既篡立諸宿將多憤怒雖曲加恩禮終不悅護國節度使冀王友謙泣曰先帝數十年開創基業前

日變起宮掖聲聞甚惡吾備位藩鎮心竊耻之友珪加友謙侍中且徵之友謙謂使者曰先帝晏駕不以

理吾且至洛陽問罪何以徵為友珪遣質實護國節韓勅討之友謙以河中附於晉以求救質實度注見

周赧王十二年蒲阪晏駕注見漢高帝十二年

書法

書爵何子友謙也曷為予之友珪弑逆友謙欲討而力不逮雖降晉可也凡梁臣降晉不

書叛降晉則曷為不書叛梁氏篡國晉仍唐歷則猶唐也挈唐土歸唐人何叛之有

梁以敬翔同平章事

友珪以敬翔太祖腹心恐其不利於已欲解其內職恐失人望遂以為相以李振充崇政院使翔多稱疾不預政事

吳以徐溫領鎮海節度使

吳劉威為帥府所忌徐溫將討之威幕客黃訥說威曰公受謗雖深反本無狀若輕舟入覲則嫌疑皆亡矣威從之陶雅亦懼與威偕詣廣陵溫待之甚質實恭如事武忠王之禮皆遣還鎮由是人皆重溫

鎮海節度注見晉成
帝咸和三年京口

冬十月晉王救河中梁兵敗走

朱友謙告急于晉晉王自將而西遇梁將康懷貞大
破之梁兵解圍退保陝州友謙至猗氏詣晉王帳拜
之為舅晉王夜置酒張樂友謙大醉晉王留宿集覽
帳中友謙安寢鼾息自如明旦復置酒而罷
猗氏猗於宜反漢書注河東府猗氏縣古猗頓城也
今隸河中府鼾息鼾音侯旰反鼾睡也息鼻息出入
者質實陝州注見周顯王四十五年猗氏一統志云
也古邠國地周文王子所封後為晉令狐地漢
置猗氏縣屬河東郡因猗頓居為名西魏改曰桑泉
後周復曰猗氏屬汾陰郡隋屬蒲州自故城徙今治
唐屬河中府宋金元仍舊
國朝因之改屬平陽府

梁楊師厚入朝

楊師厚既得魏博又兼都招討使宿衛勁兵多在麾下諸鎮兵皆得調發威勢甚重心輕友珪專行不顧友珪患之發詔召之師厚將行其腹心曰往必不測師厚曰吾知其為人矣乃帥精兵萬人度河友珪大懼至都門留兵於外與十餘人入質實虜下注見漢見友珪喜遜詞悅之厚賜遣還王邦三年

書法

凡書入朝必予辭也師厚聞召而行其予之歟罪師厚也曷為罪之友珪弒逆師厚所部

皆號勁兵諸鎮又得調用既以精甲萬人至洛問罪討賊無難矣乃立其讐耻朝覲如儀受賜而歸其罪大矣故書之而削其官

發明

友珪弒逆已五閱月師厚據大鎮擁彊兵不能仗義致討乃反委身朝賊故特筆書之以

著其黨惡之罪也

梁隰州降晉質實

隰州注見晉懷帝永嘉二年蒲子

癸晉岐吳稱唐天祐十年梁主瑱春正月晉拔燕順薊

州安遠盧臺軍質實

順薊二州名順注見唐高祖武德九年燕州薊注見秦王政三年漁

陽安遠盧臺二軍名安遠未詳沿革盧臺唐初所置屬幽州五代時陷入契丹故城在河間府青縣衛河西南

岸周迴三○二月梁均王友貞起兵討賊友珪伏誅友

貞立於大梁更名瑱友謙復歸梁

友珪遽為荒淫內外憤怒駙馬都尉趙巖犍之子太祖之甥也龍虎統軍袁象先太祖之甥也巖奉使至

大梁均王友貞密與之謀誅友珪嚴曰此事成敗在
楊令公得其一言諭禁軍吾事立辦均王乃遣腹心
說師厚曰郢王篡弑人望屬在大梁公若因而成之
此不世之功也且許事成之日賜犒軍錢五十萬緡
師厚與將佐謀之曰方郢王弑逆吾不能即討今君
臣之分已定無故改圖可乎或曰郢王親弑君父賊
也均王舉兵復讐義也奉義討賊何君臣之有彼若
一朝破賊公將何以自處乎師厚驚曰吾幾誤計乃
遣其將王彞賢至洛陽陰與袁象先謀嚴歸洛陽亦
與象先定計先是龍驤軍戍懷州者潰亂友珪搜捕
其黨獲者族之經年不已有戍大梁者友珪徵之均
王因使人激怒其衆曰天子追汝輩欲盡阮之其衆
皆懼見均王泣請可生之路王曰先帝與汝輩三十
餘年征戰經營王業今先帝尚為人所弑汝輩安所
逃死乎因出太祖畫像示之而泣曰汝能自趣洛陽
雪讐耻則轉禍為福矣衆皆踊躍呼萬歲象先等率

禁兵數千人突入宮中友珪令馮廷諤先殺妻次殺已廷諤亦自剄象先嚴齋傳國寶詣大梁迎均王王曰大梁國家創業之地何必洛陽乃即位於大梁追廢友珪為庶人復博王友文官爵梁主更名鎰久又更名瑱加揚師厚兼中書令賜爵鄴王遣使招撫朱友謙友謙復稱藩

集覽

準蚩周反鎰胡盲反

瑱他質實

趙巖青州人楊令公謂揚師厚懷州注見宋順帝昇明元年

書法

君弑書討多矣未有書討賊者書討賊予義也立於大梁何不自立累友貞也然則魏

齊王嗣西秦熾磐皆討賊而立者也何以書自立嫡子故無嫌也非嫡也而書自則疑於奪矣友謙書復歸善之也不敵而降晉賊討而復歸可謂善處矣

發明

歷代討賊者多矣未有書法如此明者蓋以均王正名仗義詞旨暴白故特筆予之豈以

朱溫之故而廢
討逆之法哉

二月晉師徇山後八軍及武州皆下之

劉守光命元行欽募山北兵以應契丹又以騎將高
行珪為武州刺史晉李嗣源分兵徇山後八軍皆下
之進攻武州行珪以城降行欽引兵攻行珪行珪使
其弟行周質晉軍以求救嗣源救之行欽力屈亦降
嗣源愛其驍勇養以為子攻儒州拔之以行珪為代
州刺史行周留事嗣源常與嗣源假子從珂分將牙
兵以從從珂為子及長以勇健善戰知名嗣源愛之
以從珂為子及長以勇健善戰知名嗣源愛之

實

武州一統志云禹貢冀州之域戰國屬燕秦為上
谷郡地漢為下落縣地屬幽州東漢魏因之晉末

為馮跋所據後魏於此置文德縣歷後周不改唐陞
為武州仍置縣乾元中改為穀州五代時唐復為武

州晉以賂遼遼改為歸化州後為德州金天眷初改為宣德州屬大同府大定中又改為宣德州尋復為德州元初改為宣寧州尋改為山東路總管府中統初改為宣德府屬上都路至元中改為順寧府領宣德宣平順聖三縣國朝初盡徙其民於關內府縣俱廢後置萬全都指揮使司直隸京師契丹北狄種名注見晉安帝義熙二年儒州注見晉懷帝永嘉五年廣寧

夏四月晉師逼幽州拔平營州

晉周德威進軍逼幽州南門劉守光遣使致書請和語甚卑哀德威曰大燕皇帝尚未郊天何雌伏如是邪予受命討有罪者結盟繼好非所聞也質實平州注見不答其書別將劉光濟拔平州營州降秦王政三年右北平營州注見晉武帝太康二年昌黎

梁擊趙以救燕晉分兵拒之

楊師厚與劉守奇將兵十萬大掠趙境至鎮州燔其
闕城周德威遣騎將李紹衡會趙將王德明同拒梁

軍質實

鎮州注見漢光武
建武九年常山

六月蜀以道士杜光庭為諫議大夫

光庭博學善屬文蜀
主重之頗與議政事

書法

嘗書道士加三品階矣又書以道士為崇玄
館學士矣未有為諫議者書道士為諫議大

夫譏非人也終綱目書諫議大夫十六詳漢光
武建武五年唯吳通玄常渠牟杜光庭為譏焉

發明

既曰道士而乃任以諫議則亦名實自
相戾矣蜀之用人如此於光庭乎何誅

蜀主殺其太子元膺

元膺猥獷齷齪目視不正而警敏知書善騎射性狷急猜忍蜀主命杜光庭選純靜有德者侍東宮光庭薦儒者許寂徐簡夫太子未嘗與之交言日與樂工羣小嬉戲無度僚屬莫敢諫至是召諸王大臣宴飲集王宗翰內樞密使潘峭翰林承旨毛文錫不至太子怒曰集王不來必峭與文錫離間也白蜀主貶之少保唐道襲蜀主嬖臣也太子素惡之屢相譖毀至是言於蜀主曰太子謀作亂欲召諸將諸王以兵錮之然後舉事爾蜀主疑焉道襲請召兵入衛內外戒嚴太子初不為脩聞道襲召兵乃以天武甲士自衛捕峭文錫囚之軍使徐瑤常謙各帥所部奉太子攻道襲斬之內樞密使潘炕言於蜀主曰太子與道襲爭權爾無他志也陛下宜面諭大臣以安社稷蜀主乃召王宗侃等使發兵討瑤殺之謙與太子亡匿艦

中舟人以告蜀主遣宗翰往慰撫之比至已為衛士所殺蜀主疑宗翰殺之大慟不已會張格呈慰諭軍民榜讀至不行斧鉞之誅將誤社稷之計蜀主收涕曰朕何敢以私害公於是下詔廢元膺為庶人

覽

潘炕姓名也

質實

反口喙也左傳深目而獬喙

齒艷步交反露齒也東宮注見宋文帝元嘉二十七年集州名一統志云唐初所置治難江縣五代因之宋省州以難江縣屬巴州元廢之故城在保寧府巴縣境內社稷注見新莽天鳳元年

書法

殺元膺者天武衛士也罪蜀主何元膺之因道襲之譖也春秋之法前有讒而不見後有

賊而不知則罪其君蜀主於是不得辭其責矣終綱目書殺其太子三趙太子邃魏太子恂蜀太子

元

膺

晉克瀛莫州○梁賜高季昌爵渤海王

季昌造戰艦五百艘治城塹繕器械為攻守
之具招聚亡命交通吳蜀朝廷浸不能制
質實海

郡名注見晉穆
帝永和六年

冬十月蜀立宗衍為太子考異

立下漏
子字

蜀潘炕屢請立太子蜀主以雅王宗輅類已信王宗
傑才敏欲擇一人立之鄭王宗衍最幼其母徐賢妃
有寵使唐文宸諷張格表請立之格夜以表示王宗
侃等詐云受密旨眾皆署名蜀主不得已許之曰宗
衍幼懦能堪其任乎宗衍受冊畢炕稱疾請老蜀主
不許涕泣固請乃許之國有大疑常遣使就第問之

質實

雅州名注見唐僖宗中和二年信州名注見漢
獻帝建安十九年巴東鄭州名注見梁武帝普

通六年
鄭城

書法

五季舍唐蜀無立太子者太
子國本也雖僭國謹書之

十一月晉王入幽州執劉仁恭及守光以歸

盧龍巡屬皆入于晉守光求援於契丹契丹以其無
信不救屢請降於晉晉人疑其詐亦不許至是登城
謂周德威曰俟晉王至吾則開門泥首聽命十一月
晉王單騎抵城下謂守光曰朱溫篡逆余本欲與公
合河朔之兵興復唐祚公謀之不臧乃效彼狂僭鎮
定二帥皆俛首事公而公曾不之恤是以有今日之
役丈夫成敗須決所向公將何如守光曰今日俎上
肉爾惟王所裁王憫之與折弓矢為誓曰但出相見
保無他也先是守光愛將李小喜多贊成守光之惡
至是守光將出降小喜止之是夕踰城出降且言城

中力竭晉王督諸軍四面攻城克之擒劉仁恭守李
帥妻子亡去王入幽州以周德威為盧龍節度使李
嗣本為振武節度使守光將奔滄州迷失道為人所
擒送晉軍晉王發幽州仁恭父子皆荷校於露布之
下至行唐趙王集覽泥首以物蒙其頭如刑人之狀
鎔迎謁于路也荷校荷下可反負也校居效
反說文木囚也易荷校滅耳此桎也荷校滅趾梏也
露布注見晉恭帝元熙二年行唐地名在幽州境也

質實

鎮定二帥謂趙王鎔王處直一統志云行唐秦
之縣名漢為常山國晉屬中山國隋屬恒山郡

唐置王城縣長壽初又改為章武縣神龍初復名行
唐縣大歷初改置洺州尋廢以縣屬恒州五代梁改
為彰武縣晉改為永昌縣尋復為行唐縣宋金俱
屬真定府元屬保定路國朝因之改屬真定府

書法

晉之伐為守光也書執守光可矣書仁恭何
皆罪人也曷為不書仁恭父子罪各異也故

書及以殊之

十二月梁遣兵侵吳吳人擊敗之

梁以王景仁為淮南招討使將兵萬餘侵廬壽吳徐
溫朱瑾帥諸將拒之遇于趙步微兵未集溫戰不勝
而却景仁乘之吳吏士皆失色將軍陳紹援檣大呼
曰誘敵太深可以進矣躍馬還闕衆隨之梁兵乃退
溫賜之金帛紹悉以分麾下吳兵既集復戰於霍丘
梁兵大敗梁之渡淮而南也表其可涉之津霍丘守
將朱景浮表於木徙置深淵及梁質實廬壽二州名
兵敗還望表而涉溺死者大半廬注見漢景
帝三年廬江壽注見秦王政六年壽春趙步或疑地
名未詳處所淮南郡名注見漢武帝元朔五年麾下
注見漢王邦三年淮水名注見漢後主建
興二年霍丘縣名注見梁武帝天監五年

甲晉岐吳稱唐天祐十一年梁乾
戌化四年○是歲凡五國五鎮

春正月劉仁恭劉守

光伏誅

晉王以練紆劉仁恭父子凱歌入于晉陽獻于太廟
自臨斬劉守光守光呼曰教守光不降者李小喜也
其無禮先斬之乃斬守光械仁恭至代州刺其心血
以祭先王墓集覽以練紆廣韻玉篇皆無此紆字唯
然後斬之通鑑釋文音昌者反無訓解疑即
拖拽之義凱歌注見陳正誤紆今按丁度集韻充
宣帝太建九年凱樂夜切以繩維持之也

書法

守光之罪著矣仁恭也而並書伏誅何仁恭
為下則攻其帥為臣則忍其君非罪乎綱目

之法間無事則蒙上文晉王入幽州之後間有事
矣仁恭伏誅曷為不以晉誅書不以仁恭父子之

誅為晉王私也若曰仁恭父子得罪於天下而天下誅之云爾非咎晉而不予以討與晉擊守文非矣然綱目不以救燕書其伐燕也殊晉師而書以伐其非不予晉可知也然則仁恭守光各再書劉何再書劉所以見其皆可誅而非相及以罪者也

發明

守光死有餘辜若仁恭既為其子所囚併書伏誅何哉仁恭本幽州偏校攻其主帥奔敗

僅免藉河東之力遂得盧龍既而乘輿播越克用召兵入援傲然拒之吞噬鄰境至謂旌節自有驕侈貪暴罪盈蒙積此固王法所必誅者豈以其見囚於子而遂末減其罪乎書法如此初非過也

鎮定推晉王為尚書令始置行臺

或說趙王鎔曰大王所稱尚書令乃梁官也大王既與梁為讐不當稱其官且自太宗踐祚以來無敢當

其名者今晉王為盟主不若以尚書令讓之鎔乃與王處直各遣使推晉王為尚書令晉王三讓然後受

之始開府置行

臺如太宗故事

書法

於是相推以尊也唐室亡矣諸國有不臣梁者

目悉書之始置行臺晉於是乎知節矣彼移檄興復不半載而稱帝者亦何人哉特書始予晉也

高季昌攻蜀夔州不克

高季昌以夔萬忠涪四州舊隸荆南興兵取之先攻夔州刺史王成先逆戰季昌縱火船焚蜀浮橋蜀將

張武舉鐵絙拒之船不得質實見漢獻帝建安十九進焚溺甚衆季昌遁還

年巴東萬注見唐代宗大歷十二年南浦忠注見唐玄宗開元十八年涪注見晉惠帝大安二年涪陵

夏四月楚人襲吳黃州克之

楚岳州刺史許德勳將水軍巡邊夜分南風暴起都指揮使王環乘風趣黃州大掠而還德勳曰鄂州將邀我宜備之環曰我軍入黃州鄂人不知奄過其城彼自救不暇安敢邀我乃展旗鳴鼓而行鄂人不敢

逼質實

黃州注見晉懷帝永嘉元年黃國鄂州注見漢後主建興七年武昌

五月梁朔方節度使韓遜卒以其子洙代之質實

朔方節度

注見漢武帝元朔元年

○秋七月晉伐梁邢州不克

晉王既克幽州乃謀伐梁會趙王鎔及周德威攻邢州李嗣昭引昭義兵會之梁楊師厚引兵救而却之

質實

昭義軍名注見周赧王五十三年上黨

八月蜀以毛文錫判樞密院

峽上有堰或勸蜀主乘夏秋江漲決之以灌江陵文錫諫曰季昌不服其民何罪陛下方以德懷天下忍

以鄰國之民為魚質實峽上有堰峽即三峽注見漢驚食乎蜀主乃止昭烈章武二年堰壅水為隄

也江陵縣名注見漢獻帝建安十三年

冬十一月南詔寇蜀蜀遣兵擊敗之考異寇當作侵

南詔寇黎州蜀主遣兵擊敗質實南詔南夷國名注之俘斬數萬級溺死數萬人見唐太宗貞觀二

十六年黎州注見漢武帝元鼎六年沈黎

十二月蜀攻岐階州破長城關質實階州注見漢武帝

未詳處所
姑缺之

乙晉岐吳稱唐天祐十二年梁貞
亥明元年○是歲凡五國五鎮
春二月梁分天雄為

兩鎮夏四月魏人降晉六月晉王入魏

梁天雄節度使楊師厚矜功恃眾擅割財賦置銀槍
效節都數千人欲以復故時牙兵之盛梁主雖外加
尊禮內實忌之及卒租庸使趙巖判官邵贊言於梁
主曰魏博為唐腹心之蠹二百餘年紹威師厚據之
朝廷皆不能制陛下不乘此時為之計安知來者不
為師厚乎宜分六州為兩鎮以弱其權梁主以為然
以賀德倫為天雄節度使置昭德軍於相州割澶衛
二州隸焉以張筠為節度使分魏州將士府庫之半
於相州恐魏人不服遣劉鄩將兵六萬濟河以討鎮
定為名實張形勢以脇之魏兵皆父子相承族姻磐

結不願分徙連營聚哭鄴遣王彥章將五百騎入魏州魏兵謀曰朝廷忌吾軍府彊盛欲設策使之殘破爾吾六州歷代藩鎮兵未嘗遠出河門一旦骨肉流離生不如死是夕軍亂縱火大掠詰旦入牙城劫德倫置樓上有效節軍校張彥者自帥其黨拔白刃止剽掠四月梁主遣供奉官扈異撫諭魏軍許彥以刺史彥請復三州異還言彥易與但遣劉鄩加兵由是不許使者再返彥裂詔書抵於地戟手南向詬朝廷謂德倫曰天子愚暗聽人穿鼻遂逼德倫以書求援於晉晉王得書命李存審進據臨清五月劉鄩屯洹水晉王引大軍東下與存審會猶疑魏人之詐按兵不進德倫遣判官司空頹犒軍密言張彥凶狡之狀勸晉王先除之王進屯永濟彥選銀槍效節五百人執兵自衛詣謁王登驛樓語之曰汝陵脇主帥殘虐百姓我今舉兵而來以安百姓非貪土地汝雖有功於我不得不誅以謝魏人遂斬彥及其黨七人餘衆

股栗王名諭之曰罪止八人餘無所問自今當竭力
為吾爪牙衆皆拜伏呼萬歲明日王緩帶輕裘而進
令彥卒擐甲執兵翼馬而從衆心由是大服劉鄩趣
魏縣王自引親軍與鄩夾河為營梁主聞之悔懼遣
兵屯楊劉六月晉王入城德倫上印節王固辭德倫
再拜曰今寇敵密逼人心未安德倫腹心見殺殆盡
形孤勢弱安能統衆一旦生事恐負大恩王乃受之
德倫帥將吏拜賀王承制以德倫為大同節度使至
晉陽張承業留之時銀搶效節都猶驕橫晉王以李
存進為天雄都巡按使有訛言揺衆及彊取人一錢
以上者皆梟首於市中肅然王以府事委司空顓
頊恃才挾勢睚眦必報納賄驕侈有從子在河南密
使人召之都虞候執之以白王族誅顓頊以判官王正
言代之魏州孔目吏孔謙勤敏多計數善治簿書以
為支度務使謙能曲事權要由是寵任彌固魏州新
亂之後府庫空竭民間疲弊而供億軍須未嘗有闕

謙之力也然急徵重歛使六州愁苦歸怨於王亦其所為也胡氏曰晉王未入汴之前注措有失者不過數事至破夾寨斬張彥尤為奇偉其天資亦英矣使其知學聞道輔成其質豈不能混一字內為賢主邪

集覽

紹威羅周翰之父戟手兩手相擊也司空題司空複姓題名也題音珽楊劉注見唐憲宗元和

十二年睚眦注見質實昭德軍注見漢元帝建昭二年魏郡臨清一統志云本漢

清淵縣地名屬魏郡後魏太和初置屬貝州大業初屬臨清縣屬魏州北齊罷隋初復置屬貝州大業初屬

清河郡唐初屬貝州大歷初屬瀛州後析置永濟縣宋初以永濟縣省入臨清縣後廢為鎮尋復為臨清

縣屬大名府金屬恩州元隸濮州國朝初因之後陞為州屬東昌府洹水地名注見漢成帝綏和二年魏

郡永濟縣名注見上文臨清股栗注見隋文帝開皇二十年晉陽縣名注見周威烈王二十三年大同節

度注見秦王政三年雲中梟
首注見漢靈帝建寧元年

發明

魏博安於逆亂其來已久梁人分之雖曰失策然亦不為無自而遽叛降于晉綱目於此

既不書其軍亂又不書其叛梁止以降晉書之蓋以梁人為篡弑之國晉人仗興復之名故其書法如此然後知綱目誅亂臣討賊子之意雖易世猶一日也嗚呼嚴矣

晉拔德州

貝州刺史張源德北結滄德南連劉鄩以拒晉數斷鎮定糧道或說晉王請先取源德東兼滄景則海隅之地皆為我有晉王曰不然貝州城堅兵多未易猝攻德州隸於滄州而無備若得而戍之則滄貝不得往來二壘既孤然後可取乃遣質實貝州注見漢帝騎五百晝夜兼行襲德州克之質實玄更始二年清

河滄景二州名滄注見唐高祖武德九年
和六年景注見唐高祖武德九年

秋七月晉拔澶州

晉人夜襲澶州陷之刺史王彥章在劉鄩營晉人獲其妻子待之甚厚遣兵使誘彥章彥章斬其使晉人盡滅其家

晉王勞軍魏縣

晉王勞軍於魏縣因帥百餘騎循河而上覘劉鄩營會天陰晦鄩伏兵五千於河曲鼓譟而出圍王數重王躍馬大呼所向披靡裨將夏魯奇等操短兵力戰自午至申乃得出亡其七騎會李存審救兵至乃得免賜魯奇姓集覽
名曰李紹奇
帝大業七年
河曲注見隋煬
質實
文帝元嘉二

十六年披靡注見
唐肅宗寶應元年

梁劉鄩引兵襲晉陽不至還守莘城

劉鄩以晉兵盡在魏州晉陽必虛欲襲取之乃潛引兵自黃澤西去晉人恠鄩軍數日不出遣騎覘之時見旗幟循堞往來晉王曰吾聞劉鄩用兵一步百計此必詐也更使覘之乃縛芻為人執旗乘驢在城上爾晉王曰鄩長於襲人短於決戰計彼行纔及山下亟發騎兵追之會陰雨積旬道險泥深士卒腹疾足腫墜崖谷死者什二三晉將李嗣恩倍道先入晉陽城中知之勒兵為備鄩糧盡又聞晉有備追兵在後衆懼將潰鄩諭之曰今深入敵境腹背有兵山谷高深去將何之惟力戰庶幾可免不則以死報君親爾衆泣而止周德威聞鄩西上自幽州引千騎救晉陽至土門鄩已整衆下山屯於宗城馬死殆半知臨清

有蓄積欲據之以絕晉糧道德威急追至南宮擒其
斥候者斷腕而縱之使言曰周侍中已據臨清矣詰
朝畧鄆營而過入臨清鄆引軍趨貝州軍堂邑德威
攻之不克翌日軍于莘縣塹而守之晉王營莘西三
十里一日數戰晉王愛元行欽驍健從李嗣源求之
賜姓名曰李紹榮王復欲求高行周重於發言密使
人以官祿啗之行周辭曰代州養壯士亦為大王爾
行周事代州亦猶事大王也代州脫行周兄弟於死
行周不忍集覽循堞循環繞也堞城上女垣土門關
負之乃止名循堞循環繞也堞城上女垣土門關

山之西又土門路注見後晉高祖天福元年臨清縣
名屬濮州今濮州隸東昌南宮注見漢帝玄更始二
年貝州冀州清河郡漢桓帝時改甘陵唐改貝州今
恩州是堂邑漢臨淮郡有堂邑括地志云今博州縣
按博州今東昌府是莘縣質實
黃澤未詳處所土門
注見唐中宗嗣聖五年關名按一統志在真

定府獲鹿縣西一十里唐初所置一名井陘關宗城縣名注見唐中宗嗣聖十三年堂邑本漢發干清縣地名屬東郡隋始於此置堂邑縣屬毛州取縣西北堂邑故城為名大業初改屬武陽郡唐初屬毛州貞觀初屬博州五代晉改為河清郡尋復舊宋因之金元俱仍舊國朝因之改屬東昌府斥候注見漢武帝元封元年詔朝注見梁武帝大同二年翌日明旦也代州謂李嗣源

八月梁復取澶州○晉遣李存審圍貝州○梁劉鄩攻鎮定營晉師擊敗之

劉鄩饋運不給晉人數挑戰鄩不出晉人乃攻絕其甬道梁主以詔讓鄩鄩奏晉兵甚多便習騎射誠為勅敵未易輕也苟有隙可乘臣豈敢偷安養寇梁主怒遣中使往督戰鄩集諸將問曰主上深居禁中不

知軍旅徒與少年新進輩謀之夫兵在臨機制變不可預度今敵尚彊與戰必不利奈何諸將皆曰勝負須一決曠日何待鄒默然不悅退謂所親曰主暗臣諛將驕卒情吾不知死所矣後數日將萬餘人薄鎮定營營中驚擾晉李存審以騎兵二千橫擊之鄒大敗奔還晉人逐之俘斬千計

質實

中使注見

唐玄宗開元十五年禁中注見宋孝武大明六年

吳徐溫出鎮潤州留子知訓江都輔政

吳以徐溫為諸軍都指揮使鎮潤州軍國庶務參決如故留徐知訓居廣陵秉政

質實

潤州注見

晉成帝咸和三年京口江都縣名注見漢獻帝興平元年

書法

晉書太傅越出鎮許昌譏專也於是復見留子輔政此高歡遣澄入鄴之故智也溫之專

亦甚矣故馬
謙得書誅

冬十月梁康王友敬作亂伏誅

梁德妃張氏卒將葬友敬使腹心數人匿於寢殿梁主覺之跣足踰垣而出召宿衛兵索殿中得而手刃之捕友敬誅之由是疎忌宗室專任趙巖及妃兄弟漢鼎漢傑從兄弟漢倫漢融咸居近職參預謀議每出兵必使之監護巖等依勢弄權賣官鬻獄離間舊將相敬翔李振雖為執政所言多不用振每稱疾不預事政事日質實康州名注見唐高祖武德九年茶以至於亡

十一月蜀遣兵攻岐克階成秦鳳州岐將劉知俊奔蜀

蜀王宗翰引兵出青泥嶺王宗綰等敗秦州兵於金沙谷克階成州秦州節度使李繼崇遣子迎降劉知

後攻霍彥威於邠州半歲不克聞秦州降蜀妻子皆遷成都解圍還鳳翔懼及禍夜帥親軍斬關奔蜀軍

宗綰攻鳳質實青泥嶺注見唐文宗太和九年金沙谷未詳處所階成二州名階注見漢

武帝元鼎六年成注見漢獻帝建安二十三年成都府名注見晉武帝泰始八年益州鳳翔府名注見周

顯王八年岐鳳州注見梁武帝大通六年南岐

岐耀鼎二州降梁

岐義勝節度使李彥韜知岐王衰弱舉耀鼎二州質降梁彥韜即溫韜也復姓溫氏名昭圖官任如故

實義勝節度注見下文耀州耀鼎二州按一統志耀州本秦內史地漢為祿祔縣地東漢置三國後魏

置北雍州西魏改為宜州隋為宜君郡治華原縣唐初復為宜州天祐初改為耀州建義勝軍五代梁改

曰崇州後改為靜勝軍唐復為耀州名順義軍宋初為感義軍後改感德軍金仍為耀州元以華原縣省入國朝因之改屬西安府鼎注見漢武帝征和二年湖

廣州始與梁絕

劉巖以吳越王鏐為國王而已獨為南平王表求封南越王不許巖謂僚屬曰今中國紛紛孰為天子安能梯航萬里遠事偽質實廣州注見秦始皇三十三庭乎由是貢使遂絕質實年南海南越國名注同上

文南平郡名注見晉惠帝永興二年

丙晉岐吳稱唐天祐十三年梁貞明二春正月梁以李
子年蜀通正元年○是歲凡五國五鎮

愚為左拾遺

梁主聞李愚學行名為左拾遺充崇政院直學士衡王友諒貴重李振等見皆拜之愚獨長揖梁主讓之曰衡王朕兄也朕猶拜之卿長揖可乎對曰陛下以家人禮見衡王拜之宜也振等陛下家臣臣於王無素不敢妄有所屈質實衡州名注見宋文久之竟以抗直罷帝元嘉十六年

二月吳將馬謙等起兵誅徐知訓不克而死考異

按凡例治

臣子之叛亂者書討討而殺之曰誅據漢居攝二年書翟義起兵討莽陳太建十二年書尉遲迴舉兵討丞相堅而此年分註云馬謙發庫兵討徐知訓則當書討誤作誅

吳宿衛將馬謙李球劫吳王登樓發庫兵討徐知訓知訓將出走嚴可求曰軍城有變公先棄眾自去眾將何依知訓乃止眾猶疑懼可求闔戶而寢府中稍安謙等陳于天興門外朱瑾自潤州至視之曰不足

畏也返顧外衆舉手大呼
亂兵皆潰擒謙球斬之

梁劉鄩攻晉魏州晉王擊敗之

劉鄩閉壁不出晉王乃留李存審守營自勞軍於貝
州聲言歸晉陽鄩聞之奏請襲魏州令澶州刺史楊
延直以萬人會魏州延直夜至城中選壯士五百潛
出擊之潰走詰旦鄩悉衆至城東與延直餘衆合李
存審引營中兵踵其後李嗣源當其前鄩見之驚卻晉王躡之
亦自貝州至與嗣源當其前鄩見之驚卻晉王躡之
至故元城西為方陳於西北存審為方陳於東南鄩
為圓陳於其中間四面受敵合戰良久梁兵大敗鄩
突圍走步卒七萬殺溺質實
元城縣名注見新莽始
殆盡鄩渡河保滑州
建國三年詰旦注見梁
武帝大同二年滑州注
見隋恭帝皇泰二年

梁遣兵襲晉陽晉將安金全擊卻之

梁匡國節度使王檀密疏請發關西兵襲晉陽奄至城下晝夜急攻城幾陷者數四代北故將安金全退居太原往見張承業曰晉陽根本之地若失之則大事去矣僕雖老病憂兼家國請以庫甲見授為公擊之承業即與之金全帥其子弟及退將之家得數百人夜出擊梁兵梁兵大驚引卻李嗣昭亦遣牙將石君立將五百騎救晉陽朝發上黨夕至城下大呼曰昭義侍中大軍至矣遂入城夜與安金全等分出諸門擊梁兵梁兵死傷什二三晉王性矜伐以策非已出故不行賞賀德倫部兵多逃入梁軍張承業恐其為變收德倫斬之梁主聞劉鄩敗又聞王檀無功歎曰吾事去矣胡氏曰安金全之保晉陽其功猶在周德威救上黨之右晉王不念宗國幾亡而復存質實顧以策非已出不復行賞其不克有終也宜哉質實

太原府名注見齊明帝建武三年并
上黨郡名注見周赧王五十三年

晉王克衛磁州質實

衛磁二州名衛注見秦王政六年
朝歌磁注見隋文帝仁壽四年

○梁遣劉鄩屯黎陽○夏四月晉人克洺州○梁戍卒

作亂攻宮門討平之

劉鄩既敗河南大恐梁主屢召鄩不至由是將卒皆
搖心梁主遣捉生都指揮使李霸帥所部千人戍楊
劉既出復入大譟縱掠攻建國門梁主登樓拒戰龍
驤指揮使杜晏球出騎擊之決力死戰俄而賊潰晏
球討亂者闔集覽捉生都都猶言軍也質實楊劉城
營皆族之名號

唐憲宗元
和十二年

書法

書志梁衰也戊卒至攻宮門不振甚矣是故書羽林殺張彝而魏衰梁已亥年書戊卒攻

宮門而梁衰是年皆亂季之徵也

秋七月梁以吳越王鏐為諸道兵馬元帥

吳越王鏐遣判官皮光業間道入貢梁主嘉之故有是命朝議多言鏐之入貢利於市易不宜過以名器假之翰林學士竇夢徵執麻以泣坐貶集覽執麻麻謂麻紙以賜吳越王之制誥也執謂執持之

而不下又麻注見唐德宗貞元十一年白麻

八月晉拔相邢二州

晉王自將攻邢州張筠棄相州走晉人復以相州隸天雄以李嗣源為刺史遣人告閻寶以相州已拔寶

舉城降晉王以李存審質實閭寶鄆州人刺史官名
為安國節度使鎮邢州注見漢成帝建始四年

安國節度注見楚義帝元年襄國

契丹寇晉陷蔚州考異寇當作入質實
蔚州注見楚義帝元年代國

○九月晉王還晉陽

王性孝雖經營河北而數還質實河北道名注見漢成帝綏和二年魏

晉陽省曹夫人歲再三馬郡晉陽縣名注見周威烈王二十三年

晉拔滄州

晉兵逼滄州滄州降晉王徙李存審為橫海節度使
以李嗣源為安國節度使嗣源以應州省人安重誨

為中門使委以腹質實橫海節度注見晉穆帝永和六年滄州一統志云應州古

唐國地戰國屬趙為代郡地秦為陰館縣地屬鴈門郡漢因之東漢末廢後魏屬神武郡北齊改屬太平郡後周郡罷置陰城縣隋罷唐置金城縣以縣置應州以龍首鴈門二山南北相應故名五代唐置彰國軍節度遼金仍舊元復為應州國朝因之以金城縣省入改屬大同府

晉拔貝州

晉人圍貝州踰年張源德欲降其衆不從共殺源德嬰城固守城中食盡乃請擐甲執兵而降晉將許之其衆三千人出降既釋甲圍而殺之盡集覽盡殫俱殫於是河北皆入于晉惟黎陽為梁守被殺死也殫音乙計反

晉王如魏州○冬十月蜀攻岐圍鳳翔○晉王遣使如

吳吳遣兵擊梁圍潁州質實潁州注見梁武帝天監二年○十二月

楚王遣使如晉質實楚州名注見晉孝武大明三年山陽○晉以張瓘為

麟州刺史

張承業治家甚嚴有姪為盜殺販牛者承業斬之晉王以其姪瓘為麟州刺史承業謂曰汝本為賊慣為不法今若不悛死無日矣質實麟州注見唐玄宗開元九年

契丹稱帝改元考證契丹下當作按巴堅

契丹主按巴堅自稱皇帝國人謂之天皇王以妻舒魯氏為皇后置百官改元神冊舒魯后勇決多權變

按巴堅行兵禦衆后常預其謀按巴堅嘗擊党項留
后守帳室帝乘虛合兵掠之后知之勒兵以待奮擊
破之后有母有姑皆踞榻受其拜曰吾唯拜天不拜
人也晋王方經營河北欲結契丹為援常以叔父事
按巴堅以叔母事舒魯后劉守光末年袁固遣叅軍
韓延徽求援於契丹按巴堅怒其不拜留之使牧馬
於野延徽有智畧頗知屬文舒魯后曰延徽能守節
不屈此今之賢者奈何辱以牧圉宜禮而用之按巴
堅名與語悅之遂以為謀主延徽始教契丹建牙開
府築城郭立市里以處漢人使各有配偶墾蕪荒田
由是漢人安業逃亡者少契丹威服諸國延徽有功
焉頃之逃奔晋陽晋王欲置之幕府掌書記王緘疾
之延徽不自安求歸省母遂復入契丹按巴堅待之
益厚至是以為相延徽寄書於晋王曰非不戀英主
非不思故鄉所以不留正懼王緘之讒爾因以老母
為託且曰延徽在此契丹必不南牧故終同光之世

契丹不深入為寇延徽之力也胡氏曰契丹沙陀無以異者然晉王功義著見進於中國當是之時不仕則已仕而舍晉蓋無足適矣延徽儻憂見讒者無亦晦而待察乃甘從契丹是故急於見用而不慎所歸才士之通患也

集覽

建牙注見漢獻帝初平三年牙門幕府注見秦王政三年同光

後唐莊宗年號於張礪亦云後唐明宗時礪為掌書記於廢帝從珂時入契丹後晉高祖時逃歸為追騎所獲契丹主復大用之質實

黨項西羌別種注見陳後主至德三年

書法

劉淵嘗書稱皇帝矣於是復見然生不書主書名死不書卒書死綱目終外之不得與淵

比也其不得與淵比何也純夷也

發明

春秋之義吳楚之國雖大並以其為蠻貊而稱之為子至於漢世則有單于贊普可汗之

號綱目皆從其俗而書之以其為一國之主令行
禁止莫敢不服故書其稱帝改元以誌其始然終
不以契丹主書之謂天無二日民無二王彼雖彊
盛皆得以我統之不可以敵國語之亦如五代分
南北而正統相沿終
繫之宋齊梁陳隋也

丁晉岐吳稱唐天祐十四年梁貞明三年○蜀天漢
春丑元年漢乾亨元年○是歲嶺南稱漢凡六國四鎮

二月晉新州裨將盧文進殺其防禦使李存矩亡奔契

丹

晉王之弟威塞軍防禦使存矩在新州驕情不治侍
婢預政晉王使募山北部落及劉守光亡卒又率其
民出馬期會迫促邊人嗟怨存矩自部送之盧文進
為裨將行者皆憚遠役存矩復不存恤至祁溝關小

校宮彥璋與士卒謀殺存矩文進不能制因還新州
守將楊全章拒之文進帥其衆奔契丹晉王聞存矩
不道殺侍婢質實威塞軍注見秦王政三年上谷新州注同上文

書法

殺存矩者小校宮彥璋也首文進何文進身為裨將不能制下還州見拒率衆北奔謂非

首罪可乎不首文進則託不得已者皆有以逭其責矣

發明

以部將殺其主帥而不書作亂以外蕃亡奔外蕃而不書叛降則亦以李存矩淫虐不道

名亂至此是亦正其本之意也

三月契丹陷晉新州晉師攻之不克考證

陷當作入

初幽州北七百里有渝關下有渝水通海自關東北循海有道道狹處纔數尺旁皆亂山高峻不可越舊

置八防禦軍募土兵守之田租皆供軍食歲致繒纊以供衣每歲早獲清野堅壁以待契丹契丹至則閉壁不戰俟其去選驍騎據隘邀之契丹常失利走土兵皆自為田園力戰有功則賜勲加賞由是契丹不敢輕入寇及周德威鎮盧龍恃勇不脩邊備遂失渝關之險契丹每芻牧於營平之間德威又忌幽州舊將有名者往往殺之吳主遣契丹主按巴堅以猛火油曰此油燃火得水愈熾可以攻城按巴堅大喜即選騎欲攻幽州舒嚕后哂之曰豈有試油而攻一國乎但以三千騎伏其旁掠其四野使城中無食不過數年城自困矣何必如此躁動輕舉萬一不勝為中國笑吾部落亦解體矣乃止至是盧文進引契丹兵急攻新州刺史安金全棄城走周德威合河東鎮定之兵攻之旬日不克按巴堅帥衆三十萬救之德威大敗集覽渝關在營州東六十里屬遼西括地志云奔歸集覽幽州東北七百里有渝關在平州石城下

關下有渝水通海自關東北循海有道道狹處纔數尺旁皆亂山高峻不可越羅璧識遺曰燕之下七百里曰渝關蓋自虎北口下皆亂山層複實遼質實渝海諸州之障也解體注見漢桓帝延熙二年注見隋文帝開皇十八年臨渝關渝水按一統志在永平府撫寧縣東二十二里源出古端州南流至連峯山入於海盧龍軍名注見漢武帝元朔二年肥如萬一注見唐高祖武德九年

契丹圍幽州夏四月晉王遣李嗣源將兵救之

契丹乘勝進圍幽州盧文進教之攻城周德威遣使告急晉王與梁相持河上欲分兵則兵少欲勿救恐失之謀於諸將獨李嗣源李存審閻寶勸王救之王喜曰昔太宗得一李靖猶擒頡利今吾有猛將三人復何憂哉存審寶以為虜無輜重勢不能久不若俟其還而擊之李嗣源曰德威社稷之臣今朝夕不保

恐變生於中何暇待虜之衰臣請身為前鋒以赴之
王曰公言是也即日命治兵四月命嗣源將兵先進
實以鎮定質實李靖猶擒頡利事在唐太宗貞觀四
之兵繼之年輜重注見周顯王三十六年社稷
注見新莽天鳳元年鎮定二
州名注見太祖開平四年

五月吳徐溫徙治昇州

徐知誥治昇州城市府舍甚盛徐溫行部愛其繁富
潤州司馬陳彥謙勸溫徙鎮海軍治所於昇州溫從
之徙知誥為潤州團練使知誥求宣州溫不許知誥
不樂宋齊丘曰三郎驕縱敗在朝夕潤州去廣陵隔
一水爾此天授也知誥悅即之官三郎謂知誥也溫
以彥謙為判官溫但舉大綱細務悉委彥謙江淮稱
治集覽行部巡視部屬也
行音下孟反

秋八月劉巖稱越帝於廣州

清海建武節度使劉巖稱皇帝國號越以趙光裔楊洞潜李殷衡同平章事用洞潜計立學校設選舉

質實

清海軍名注見秦始皇三十三年建武節度注見唐德宗元和十五年

晉師擊契丹敗之幽州圍解

契丹圍幽州且二百日城中危困李嗣源等步騎七萬會於易州李存審曰彼衆吾寡彼多騎吾多步若平原相遇敵以萬騎蹂吾陳吾無遺類矣嗣源曰虜無輜重吾行必載糧食自隨若平原相遇敵抄吾糧吾不戰自潰矣不若自山中潜行趣幽州若中道遇敵則據險拒之遂踰嶺而東嗣源與從珂將三千騎為前鋒距幽州六十里與契丹遇力戰得進至山口契丹以萬騎遮其前將士失色嗣源以百餘騎先進

免胄揚鞭蕃語謂曰汝無故犯我疆場晉王命我將
百萬衆直抵西樓滅汝人民因躍馬奮撾三入其陳
斬酋長一人後軍齊進契丹兵卻晉兵始得出存審
命步兵伐木為鹿角人持一枝止則成寨契丹騎環
寨而過寨中發萬弩射之人馬死傷塞路將至幽州
契丹列陳待之存審命步兵陳於其後戒勿動先令
羸兵曳柴燃草而進烟塵蔽天鼓譟合戰乃趣後陣
起乘之契丹大敗俘斬萬計嗣源等入幽州契丹以
盧文進為盧龍節度使居平州歲入集覽平原此非
北邊殺掠吏民盧龍巡屬為之殘弊地名按爾

雅大野曰平廣平曰原又云可食者曰原郭璞注質
可種穀給食也鹿角注見唐懿宗咸通十一年

實

疆場注見漢靈帝建寧二年首
長注見漢帝立更始二年首豪

冬十月梁以吳越王鏐為天下兵馬元帥○晉王還晉

陽

王連歲出征凡軍府政事一委監軍使張承業承業勸課農桑畜積金穀收市兵馬征租行法不寬貴戚由是軍城肅清饋餉不乏王或時須錢蒲博及給賜伶人而承業靳之王乃置酒庫中令其子繼岌為承業舞承業以帶馬贈之王指錢積謂曰和哥乏錢宜與一積帶馬未為厚也承業曰郎君纏頭皆出承業俸祿此錢大王所以養戰士也承業不敢以為私禮王不悅語侵之承業怒曰僕老敕使爾非為子孫計惜此庫錢所以佐王成霸業也不然王自取用之何問僕為不過財盡人散一無所成爾王怒顧李紹榮索劍承業起挽王衣泣曰僕受先王顧託之命誓為國家誅汴賊若以惜庫物死於王手僕下見先王無愧矣曹太夫人聞之遽令召王王惶恐叩頭謝承業痛飲以分其過承業不肯王入宮太夫人使人謝

承業曰小兒忤特進已笞之矣明日與王俱至承業第謝之未幾承制授承業開府儀同三司左衛上將

軍燕國公承業固辭不受但稱唐官終身盧質數無禮輕傲王銜之承業恐其及禍乘間言曰盧質數無禮

請為大王殺之王曰吾方招納賢士以就功業七哥何言之過也承業起賀曰王能如此何憂不得天下

質由是獲免胡氏曰張承業之志行雖縉紳士大夫有遠不能及者可以為內侍之師法矣為晉養民畜

財軍興不乏職也受克用顧託不敢違負忠也行法不寬責戚不以官物為私禮公也晉王欲使分過終

不承命守也居唐官終其身義也使中常集覽以分侍皆率此道烏有趙高石顯張讓之禍哉其過

漢光武時賈復與寇恂有隙帝曰兩虎安得私鬪今日朕分之注分解釋也縉紳注見漢武帝元朔元年

質實

蒲博注見晉明帝太寧三年伶人注見唐高宗咸亨三年汴賊謂梁王朱全忠

十一月晉王如魏州

晉王聞河水合曰用兵數歲限一水不得度今水自合天贊我也亟如魏州

十二月蜀殺其招討使劉知俊

蜀王以劉知俊為都招討使諸將皆舊功臣多不用其命且疾之故無成功唐文惠數毀之蜀主亦忌其才嘗謂所親曰吾老矣知俊非爾輩所能馭也乃誣以謀叛斬之

晉王襲梁楊劉拔之梁主如洛陽尋還大梁

晉王視河水已堅引步騎稍度梁甲士三千戍楊劉城緣河數十里列柵相望晉王急攻皆陷之進攻楊劉城拔之先是梁租庸使趙巖言曰陛下踐祚以來尚未南郊議者以為無異藩侯請幸西都行郊禮敬

翔諫曰自劉鄩失利公私困竭人心惴恐今展禮園丘必行賞賚是慕虛名而受實弊也且勅敵近在河上乘輿豈宜輕動俟北方既平報本未晚不聽遂如洛陽閱車服飾宮闕郊祀有日聞楊劉失守訛言晉軍已入大梁扼汜水矣梁主集覽園丘注見漢後質皇駭遂罷郊祀奔歸大梁主建興十五年質

實

乘輿注見漢安帝延光四年汜水縣名注見秦莊襄王元年成臯

書法

晉取梁地不書梁楊劉何以書楊劉河南地唐所命也故予梁綱目之予奪審矣下書襲

梁鄆州取之義同

戊晉岐吳稱唐天祐十五年○梁貞明四春正月晉師寅年○蜀光天元年○是歲凡六國四鎮

掠梁濮鄆而還

梁敬翔上疏曰國家連年喪師疆土日蹙陛下所與
計事者皆左右近習豈能量敵國之勝負乎李亞子
繼位以來攻城野戰無不親當矢石近者攻楊劉身
自束薪為士卒先一舉拔之陛下儒雅守文宴安自
若使賀瓌輩敵之而望攘逐冠讐非臣所知也宜詢
訪黎老別求異策不然憂未艾也疏奏趙張之徒言
翔怨望梁集覽黎老黎與犂通音力今二反書
主遂不用泰誓中播棄犂老注鮑背之苟稱犂
老趙張之徒謂趙巖及張妃質實濮鄆二州名濮注
兄弟漢鼎漢傑漢倫漢融輩見周安王五年濮
陽鄆注見唐肅宗寶應元年賀瓌濮州人

蜀信王宗傑卒

蜀太子衍好酒色樂遊戲蜀主嘗自夾城過聞太子
與諸王鬪鷄擊毬喧呼之聲歎曰吾百戰以立基業

此輩其能守之乎由是惡張格而徐賢妃為之內主
竟不能去也信王宗傑有才畧屢陳時政蜀主賢之
有廢立意至是暴質實聞鷄戲名事物紀原云列子
卒蜀主深疑之有紀消子為周宣王養聞鷄
之事左傳季郈之鷄聞季氏介其鷄郈氏為之金距
推此則茲戲之始當出于周也擊毬戲名注見唐高
宗永徽三年擊鞠
夾城未詳所在

書法

卒小國臣錄才也終綱目卒僭國臣二十一
詳晉懷帝永嘉二年五代凡十三馬蜀王宗

傑宗傳吳陳彥謙徐溫漢楊洞潛吳崇再用唐周
本漢趙光裔唐楊璉闡劉贊楚馬瞻唐張建封崇

克

宏

夏六月蜀主建殂太子宗衍立

蜀主久疾昏瞽至是增劇以王宗弼為都指揮使召大臣告之曰太子仁弱朕不能違諸公之請而立之若其不堪可寘別宮幸勿殺之但王氏子弟諸公擇而輔之徐妃兄弟止可優其祿位慎勿使之掌兵預政以全其宗族時內飛龍使唐文扆典兵預政欲去諸大臣遣人守宮門宗弼輩不得入聞其謀排闥入言之召太子入侍疾貶文扆制眉州以宋光嗣為內樞密使與宗弼等受遺詔輔政初蜀主雖因唐制置樞密使專用士人至是蜀主以諸將多許州故人恐其不為幼主用故以光嗣代之自是官者始用事矣蜀主殂太子即位尊徐賢妃為**集覽**昏瞽瞽音二遇太后徐淑妃為太妃殺唐文扆反又莫候反目不明也莊子曰**質實**排闥注見漢高帝十一年眉州余適有瞽病注見唐太宗貞觀二十二年

吳副都統朱瑾殺都軍使徐知訓而自殺

吳都軍使徐知訓驕倨淫暴威武節度使李德誠有家妓數十知訓求之不得怒曰會當殺德誠并其妻取之狎侮吳王無復君臣之禮嘗與王為優自為參軍使王為倉鶻又嘗與王泛舟王先起知訓以彈彈之又嘗侍宴使酒悖慢王懼而泣左右扶王登舟知訓逐之不及搥殺王親吏與弟知詢皆不禮於知誥獨季弟知諫以兄禮事之知訓嘗召兄弟飲知誥不至知訓怒曰乞子不欲酒欲劍乎又嘗與知誥飲伏甲欲殺之知諫躡知誥足知誥遁去副都統朱瑾遣家妓候知訓知訓彊欲私之瑾已不平知訓惡瑾位已上出瑾為靜海節度使瑾益恨之然外事知訓愈謹置酒延之中堂伏壯士於戶內出妻拜之知訓答拜瑾以笏擊之踣地呼壯士出斬之提其首馳入府示吳王曰僕已為大王除害王懼走入內曰舅自為之我不敢知子城使翟虔等闔府門勒兵討之瑾遂自剄徐知誥在潤州聞難用宋齊丘策即日濟江撫

定軍府溫乃以知誥代執吳政宣諭使李儼集覽以
貧困寓居海陵溫疑其與瑾通謀皆殺之

彈之上彈去聲說文行丸也下彈平聲丸射也從弓
打丸也公羊傳宣六年晉靈公為無道使諸大夫皆

內朝然後處乎臺上引彈而彈之已超而避質實威
丸是樂而已矣用宋齊丘策事在去年五月

節度注見漢武帝建元三年閩中靜海節度一統志
云本漢海陵縣之東境屬臨淮郡東漢屬廣陵郡晉

宋齊皆屬海陵郡隋屬江都唐屬揚州五代時南唐
置靜海都鎮制置院後周改為靜海軍尋改為通州

宋改為崇州復為通州屬淮南東路元改為通州路
後復為州屬揚州路國朝仍為州以靜海縣省入直

隸揚州府潤州注見晉成帝咸和三年
京口海陵縣名注見周世宗顯德五年

書法

馬謙書誅矣此其書殺何不予瑾以討也
知訓信有罪瑾以私怨殺之則非義討矣

梁人決河以限晉兵晉王攻之拔其四寨

梁將謝彥章攻楊劉決河水以限晉兵瀾浸數里晉王謂諸將曰梁軍非有戰意但欲阻水以老我師當涉水攻之遂引親軍先涉諸軍隨之寨甲橫槍結陳而進彥章拒之稍却鼓譟復進梁兵大敗河水為赤晉人遂陷濱河四寨

書法

攻取未有書其方畧者此則曷為以決河書重開河隙也此隙一開連年重為曹濮患唐

雖塞之未幾復壞至晉天福以後二十二年九書治決則梁人之罪也綱目重開河隙故引河溝以灌魏則書決河以限晉兵則書

蜀貶張格為維州司戶質實

維州注見唐代○秋七月宗大歷十四年

蜀以王宗弼為鉅鹿王

蜀主不親政事內外遷除皆出於王宗弼宗弼納賄多私上下咨怨宗光嗣通敏善希合蜀主寵任之蜀由是質實鉅鹿縣名注見楚遂衰義帝元年襄國

吳以徐誥為淮南行軍副使輔政

吳徐溫入朝于廣陵疑諸將皆預朱瑾之謀欲大行誅戮徐誥嚴可求具陳知訓過惡溫怒稍解責知訓將佐不能匡救皆抵罪獨刁彥能屢有諫書溫賞之以知誥為行軍副使知諫權潤州團練事溫還金陵庶政皆決於知誥知誥事吳王盡恭接士大夫以謙御衆以寬約身以儉以吳王之命蠲天祐十三年以前逋稅求賢才納規諫除姦猾杜請託於是士民歸心宿將悅服以宋齊丘為謀主先是吳有丁口錢

又計畝輸錢錢重物輕民甚苦之齊丘以為錢非耕桑所得今使民輸錢是教民棄本逐末也請蠲丁口錢餘稅悉輸穀帛紬絹匹直千錢者當稅三十或曰如此縣官歲失錢億萬計齊丘曰安有民富而國家貧者邪知誥從之由是江淮間曠土益闢桑柘滿野國以富彊知誥欲進用齊丘而徐溫惡之知誥夜引齊丘於水亭屏語常至夜分或居高堂悉去屏障獨留大爐以鐵筋畫灰為字隨以匙減去之故其所謀人莫得**集覽**縣官注見漢文帝十一年屏語屏退左而知也**右**而語也記曲禮上侍坐於君子若有告者曰少間願有復也則左**質實**金陵昇州注見漢右屏而待注屏猶退也隱也**獻帝興平二年**

八月晉王大舉伐梁

晉王謀大舉伐梁周德威將幽州步騎三萬李存審李嗣源及王處直遣將各將步騎萬人及諸部落奚

契丹室常吐谷渾皆以兵會之并河東魏博之兵大
閱於魏州軍於麻家渡梁賀瓌謝彥章屯濮州北相
持不戰晉王好自引輕騎迫敵營挑戰危窘者數四
賴李紹榮力戰得免趙王鎔及王處直皆遣使致書
曰元元之命繫於王本朝中興繫於王奈何自輕如
此王笑謂使者曰定天下者非百戰何由得之安可
但深居惟房以自肥乎一旦將出李存審扣馬泣諫
曰大王當為天下自重先登陷陳存審之職也王為
之攬轡而還他日伺存審不在策馬急出以數百騎
抵梁營謝彥章伏精甲五千圍王數十重王力戰僅
得出始以存審之言為忠胡氏曰存最不自宴安是
也而謂非百戰無由定天下則非也天下惡乎定定
于有德漢高光唐太宗固以兵取未有不假仁勲義
使百姓見德者故得之易而居之久戰勝攻取隨即
失之秦是也晉王不知監集覽吐谷渾注見晉元帝
馬成難壞易不亦宜哉建武元年元注見

漢元帝初質實

挑戰注見漢王邦四年麻家渡未詳處所

書法

書伐何義晉也

發明

自朱氏篡唐至是星周一紀天道亦一變矣晉王方謀舉兵而綱目即以天舉伐梁書之

誅亂臣討賊子汲汲然惟恐或後蓋以大盜未除環四海之內無有能正之者晉王父子雖不純乎

義要之名曰為唐其復讐之意固可暴白於天下故綱目大書於冊亦足見討賊有人大義未遂終

泯者也然前史之脩既以朱氏繼唐故於晉王伐梁之事往往以入寇書之夫誅亂臣討賊子大義

所在反謂之入寇可乎此君子所為懼綱目所由作也噫必有君子者出而後綱目之義大明於天

下矣

蜀以諸王領軍使

蜀諸王皆領軍使彭王宗鼎謂其昆弟曰親王典兵禍亂之本今主少臣彊譏間將興繕甲訓士非吾輩所宜為也因固辭但營質實彭州名注見唐書舍植松竹自娛而已中宗嗣聖六年

梁泰寧節度使張萬進降晉

梁嬖侍用事多求賄於萬進質實泰寧節度注見漢萬進遣使附于晉且求援獻帝興平二年

蜀以宦者歐陽晃等為將軍

蜀主以內給事歐陽晃等為將軍皆干預政事驕縱貪暴周庠切諫不聽晃患所居之隘夜因風縱火焚西隣軍營數百問明旦名匠廣其居蜀主亦不之問

書法

唐世宦官不書不勝書也至此而復書其書之何此蜀所以亡也是故歐陽晃等為將軍

王承休為龍武指揮綱目皆以官官表之然自是諸國皆書矣

發明

唐以宦者亡國殷監未遠而蜀人又踵其覆轍蜀固不足道也揭而書之亦所以示戒云

爾

冬十一月越改國號漢○吳取虔州

吳遣劉信將兵攻虔州譚全播拒守其城險固久之不下信使人說譚全播取質納賂而還徐溫大怒信子英彥典親兵溫授兵三千曰汝父據上游之地將十倍之衆不能下一城是反也汝可以此兵往與父同反又使指揮使朱景瑜與之俱曰全播守卒皆農夫饑窘踰年妻子在外重圍既解相賀而去聞大兵

再往必皆逃遁全播所守者空城爾往必克之信大懼引兵還擊虔州先鋒始至虔兵皆潰譚全播奔雩

都追集覽虔州漢之贛縣也晉立南康郡東晉置郡城於章貢二水之間今城是也隋廢郡為

虔州以虔化水為名唐因之後宋高宗改為贛州取質質如字注見周顯王四十一年質馬上游注見漢

王邦元年雩都縣名屬質實虔州注見梁簡文帝大虔州虔即今之贛也寶元年雩都按一統志

漢之舊縣名屬豫章郡因雩水為名三國吳為南部都尉治所晉屬南康郡陳徙縣治大昌村隋徙治東

溪屬虔州唐徙治南康古郡即今治所宋元仍舊國朝因之改屬贛州府

十二月晉王與梁軍戰于胡柳陂周德威敗死晉王收

兵復戰大破梁軍

晉王欲趣大梁而梁軍扼其前堅壁不戰百餘日王進兵距梁軍十里而舍梁招討使賀瓌善將步兵排陳使謝彥章善將騎兵瓌惡其與已齊名一日治兵於野瓌指一高地曰此可以立柵至是晉軍適置柵於其上瓌疑彥章與晉通謀瓌屢欲戰彥章曰彊寇憑陵利在速戰今深溝高壘據其津要彼安敢深入若輕與之戰萬一蹉跌則大事去矣瓌益疑之密諧之於梁主因享士伏甲殺之及別將孟審澄侯溫裕以謀叛聞審澄溫裕亦騎將之良者也晉王聞之喜曰彼將帥自相魚肉亡無日矣瓌殘虐失士卒心我若引軍直指其國都彼安得堅壁不動幸而一與之戰蔑不勝矣王欲自將萬騎直趣大梁周德威曰梁軍尚全輕行徼利未見其福不從毀營而進衆號十萬瓌亦棄營而踵之至胡柳陂候者言梁兵至矣周德威曰賊倍道而來未有所舍我營柵已固守備有餘既深入敵境動須萬全不可輕發此去大梁至近

梁兵各念其家內懷憤激不以方畧制之恐難得志
王宜按兵勿動德威請以騎兵擾之使不得息至暮
營壘未立樵爨未具乘其疲乏可一舉滅也王曰公
何怯也即以親軍先出德威不得已從之謂其子曰
吾無死所矣賀瓌結陳而至橫亘數十里王帥銀槍
都陷其陳衝盪擊斬往返十餘里梁馬軍都指揮使
王彥章軍敗走濮陽晉輜重望見梁旗幟驚潰入幽
州陳幽州兵亦擾亂德威不能制父子皆戰死梁兵
四集勢甚盛晉王據高丘收散兵至日中軍復振陂
中有土山賀瓌引兵據之晉王謂將士曰今日得此
山者勝吾與汝曹奪之即引騎兵先登李從珂王建
及以步卒繼之遂奪其山日向晡賀瓌陳於山西晉
兵望之有懼色諸將以為諸軍未盡集不若斂兵還
營詰朝復戰閻寶曰梁騎兵已入濮陽山下惟步卒
向晚有歸志我乘高趣下破之必矣今深入敵境偏
師不利若復引退必為所乘諸軍未集者聞梁再克

必不戰自潰凡決勝料敵惟觀情勢情勢已得斷在
不疑王之成敗在此一戰若不決力取勝縱收餘衆
北歸河朔非王有也李嗣昭曰賊無營壘日晚思歸
但以精騎擾之使不得夕食俟其引退追擊可破也
我若斂兵還營彼歸整衆復來勝負未可知也王建
及擐甲橫槊而進曰王但登山觀臣為王破賊王愕
然曰非公等言吾幾誤計嗣昭建及以騎兵大呼陷
陳諸軍繼之梁兵大敗死亡者幾二萬人晉王還營
聞德威父子死哭之慟曰是吾罪也李嗣源不知王
所之或曰北渡河矣嗣源遂乘水北渡晉王進攻濮
陽拔之嗣源復來見王不悅曰公以吾為死邪嗣源
頓首謝王以從珂有功但賜大鍾酒以罰之然自是
待嗣源稍薄梁敗卒走至大梁曰晉人至矣京城大
恐梁主驅市人登城又欲奔洛陽遇夜而止敗卒至
者不滿千人傷夷逃散各歸鄉里月餘僅能成軍胡
氏曰仲由問孔子行三軍則誰與子曰暴虎馮河死

而無悔者吾不與也必也臨事而懼好謀而成者也
孔子所取德威有之其所不取存勗犯焉聖人之訓

不可違如此昔光武伐尤來兵敗軍中意王沒矣吳
漢曰王兄子在何憂光武不以為嫌誠以喪敗之際

兩不相知有如不測寧能禁人之他議晉王於是
能容一嗣源淺量褊局固非可以席卷天下色舉字

內者**集覽**輕行微利輕去聲不持重也微堅堯反求
也要也尤來王莽末諸盜之號也時寇盜

蜂起如銅馬大搶**質實**蹉跌注見漢順帝陽嘉二年
等號不可勝數高丘或疑地名未詳處所濮

陽郡名注見周安王五年河朔二
州名注見唐玄宗天寶十五載

已晉岐稱唐天祐十六年梁貞明五年○蜀乾德元春
卯年吳宣王楊隆演武義元年○是歲凡六國四鎮

正月晉築德勝兩城

晉李存審於德勝南北夾河築兩城而守質實德勝南北

夾河築兩城注
見龍德元年

書法書德勝何
關要也

三月晉王自領盧龍節度使

王自領盧龍節度使以李紹宏提舉軍
府事紹宏宦者也本姓馬晉王賜姓名

晉以郭崇韜為中門副使

孟知祥薦教練使鴈門郭崇韜能治劇王以為中門
副使崇韜倜儻有智畧臨事敢決王寵待日隆知祥
稱疾辭位崇集覽倜儻注見隋文質實鴈門郡名注
韜專典機密帝仁壽四年見秦王政三

年郭崇
韜代人

夏四月吳王隆演建國改元

吳徐溫自以權重而位卑說吳王隆演曰今大王與諸將皆為節度使不相臨制請建吳國稱帝而治王不許嚴可求屢勸溫以知詢代徐知誥知誥與駱知祥謀出可求為楚州刺史可求至金陵見溫說之曰吾奉唐正朔常以興復為辭今朱李方爭一旦李氏有天下吾能北面為之臣乎不若先建吳國以繫民望溫大悅復留可求參總庶政至是溫帥將吏藩鎮請吳王稱帝不許夏四月朔即吳國王位大赦改元建宗廟社稷置百官宮殿文物皆用天子禮以溫為大丞相都督中外諸軍事東海郡王知誥為左僕射參政事兼知內外諸軍事王令謀為內樞使質實楚嚴可求為門下侍郎駱知祥為中書侍郎

注見宋孝武大明三年山陽金陵郡名注見漢獻帝
興平二年正朔注同上建安十五年朱李謂梁唐二
國藩鎮注見唐肅宗上元二年
東海郡注見秦二世二年郢

吳越擊吳戰于狼山破之

吳越王鏐遣其子副大使傅瓘擊吳吳遣將彭彥章
陳汾拒之戰于狼山吳船乘風而進傅瓘引舟避之
既過自後隨之吳回船與戰傅瓘使順風揚灰吳人
不能開目及船舫相接傅瓘使散沙於已船而散豆
於吳船吳兵大敗彥章戰甚力陳汾按兵不救彥章自
殺吳人誅汾籍沒家貲以其集覽
半賜彥章家稟其妻子終身集覽
稟其妻子稟筆錦
傳須諸國稟食稟給注稟讀曰廩歐陽氏曰古質實
者給人以食取之於倉廩故因稱稟食稟給

狼山一統志云在揚州府通州南一十八里五山相連屬常有白狼居上或云山形如狼因以名

梁攻晉德勝南城不克

賀瓌攻德勝南城百道俱進以竹竿聯艨艟十餘艘蒙以牛革設睥睨戰格橫於河流以斷晉救兵晉王自引兵救之不能進遣善游者入城守將言矢石將盡陷在頃刻晉王積金帛於軍門募能破艨艟者衆莫知為計李建及請選效節敢死士得三百人披鎧操斧帥之乘舟而進將至流矢雨集建及使操斧者入艨艟間斧其竹竿又以木髡載薪沃油燃火於上流縱之隨以巨艦鼓譟攻之艨艟隨流梁兵焚溺者殆半晉兵乃得集覽以竹竿聯艨艟以竹為索曰竿渡瓌解圍走

版作如睥睨及戰格設置於船上以禦敵也睥四詣

反睨宜計反睨睨城上垣杜甫詩睨睨登哀柝注女
牆開箭眼以闚望城外因名睨睨也睨睨字或從土
傍格各額反戰格即彭排也釋名彭排軍器
也按彭訓旁也亦音旁言在旁側排敵禦攻

秋七月吳越攻吳常州吳人與戰破之

吳越王鏐遣錢傳瓘將兵三萬攻吳常州徐溫帥諸
將拒之戰于無錫會溫病熱不能治軍吳越攻中軍
陳彥謙遷中軍旗鼓于左取貌類溫者擐甲胄號令
軍事吳越兵敗殺其將何逢斬首萬級傳瓘遁去溫
募生獲叛將陳紹者賞錢百萬獲之紹勇而多謀溫
復使之典兵初吳將曹筠亦奔吳越溫厚遇其妻子
遣間使告之曰使汝不得志而去吾之過也及是役
筠復奔吳溫自數昔日不用筠言者三而不問其罪
歸其田宅復其軍職筠內愧而卒知誥請帥步卒二
千易吳越旗幟鎧仗躡敗卒而東襲取蘇州溫曰爾

策固善然吾且求息兵未暇如汝言諸將亦以為吳越所恃者舟楫今大旱水涸此天亡之時宜盡步騎之勢一舉滅之溫歎曰天下離亂久矣民困已甚錢公亦未易可輕若連兵不解方為諸君之憂今戰勝以懼之戢兵以懷之使兩地之民各安其業君臣高枕豈不樂哉多殺何為遂引還吳越王鏐見何逢馬悲不自勝故將士心附之寵姬鄭氏父犯法當死左右為之請鏐曰豈可以一婦人亂我法出其女而斬之鏐自少在軍中夜未嘗寐倦極則就圓木小枕或枕大鈴寐熟輒歆而寤名曰警枕置粉盤于卧內有所記則書盤中比老不倦或寢方酣外有白事者令侍女振紙即寤時彈銅丸於樓牆之外以警直更者嘗微行夜叩北城門吏不肯啓關曰雖大王集覽無來亦不可啓乃自他門入明日召吏厚賜之

集覽

無錫

縣名今陞為州屬

實

會稽郡縣有山舊產錫至漢

末錫殫故縣以無錫名新莽改曰有錫東漢復舊三國吳廢晉復置屬毘陵郡宋齊梁陳皆屬晉陵郡隋初省入晉陵縣後復置唐屬常州宋因之元陞為州國朝初復為縣屬常州府

晉主以馮道掌書記

中門使郭崇韜以諸將陪食者衆請省其數王怒曰孤為效死者設食亦不得專可令軍中別擇河北帥孤自歸太原即名馮道草詞示衆道曰大王方平河南定天下崇韜所請未至太過不從可矣何必以此驚動遠近使敵國聞之謂大王君臣不和非所以隆威望也乃止

八月梁以王瓚為招討使拒晉兵

賀瓌卒梁主以王瓚為招討使瓚為治嚴令行禁止據晉人上游楊村夾河築壘造浮橋饋運相繼晉副

總管李存進亦造浮橋於德勝或曰浮梁須竹竿鐵牛石固我皆無之何以能成存進以葦竿維巨艦繫於上山巨木踰月質實游楊村未而成人服其智詳處所

吳與吳越連和

吳徐溫遣使以吳王書歸無錫之俘於吳越吳越王鏐亦遣使請和於吳自是吳國休兵息民三十餘州民樂業者二十餘年

冬十月晉廣德勝北城

晉王發徒數萬廣德勝北城日與梁人爭大小百餘戰互有勝負左射軍使石敬瑭戰于河壩梁人斷其馬甲橫衝兵馬使劉知遠以所乘馬授之自乘斷甲馬徐行為殿梁人疑有伏不敢迫俱得免敬瑭以是

親愛之二人之先皆沙陀人敬瑭李嗣源之壻也

集覽

河瑭史記河渠書注韋昭曰瑭而緣反緣

河邊地按韻書瑭本作塿或作塿訓卻也卻隙地也顏師古曰塿游也游餘也橫衝軍都之號也徐行為

殿徐緩也說文安行也殿丁練反軍居前曰啓居後曰殿又謂之斷後此乃兵家之最難者也我兵既敗

敵人來追我在後拒質實為殿注見漢宣帝地節四年

書法

書德勝何關要也

梁克兗州殺張萬進

劉鄩圍張萬進於兗州經年城中危窘晉王方與梁人戰河上力不能救萬進遣親將劉處讓乞師未許處讓於軍門截耳曰苟不得請生不如死晉王義之將為出兵會鄩已屠兗州族張萬進乃止以處讓為

驍衛質實兗州注見漢獻
將軍帝興平二年

十二月梁王瓚與晉王戰敗績梁以戴思遠代之

晉王與王瓚戰於河南瓚先勝獲晉將石君立等既而大敗失亡萬計梁主聞石君立勇繫於獄而使人誘之君立曰我晉之敗將而為用於梁雖竭誠效死誰則信之人各有君何忍反為仇讐用哉梁主猶惜之晉王乘勝拔濮陽梁主召瓚還以戴思遠代為招討使屯河上以拒晉人

吳團結民兵

吳禁民私蓄兵器盜賊益繁御史臺主簿盧樞言今四方分爭宜教民戰且善人畏法禁而姦民弄干戈是欲偃武而反招盜也宜團結質實干戈釋名云干民兵使之習戰自衛鄉里從之盾也戈戟也王

子年拾遺記曰庖犧造干戈以飾武此干戈之始也
則兵為起于太昊矣呂氏春秋云蚩尤造五兵蓋其
一也

謹案第二頁前六行大梁汴州刊本汴州作郡名
今改

第九頁前一行蚰蜒塹未詳處所按蚰蜒塹非地
名此誤

第十一頁前七行晉州注見漢獻帝建安七年河
東按晉州屬河東道非河東郡亦非河東節度
理所此誤

第十二頁前五行大梁開封府刊本開封府訛郡

名今改

第十三頁後三行梁置夾寨距晉陽不百里按五代周德威李嗣昭等傳俱云攻潞圍以夾城潞州至晉陽計四百五十里則夾寨距晉當不下四百里此誤

第十三頁後八行匡國節度按五代史職方考同州唐故曰匡國梁改忠武後唐復曰匡國康懷英傳李思安討潞無功以同州劉之俊為招討

使此時許州方以忠武改匡國則此之同州當作忠武為是

第十九頁後六行謂楊崇本刊本訛謂王行瑜按王行瑜此時死已十五年矣今改

第二十二頁前七行行州未詳沿革按唐地理志寧州定平縣唐末以縣置行州通考周廢行州為定平縣屬邠州此失考

第二十二頁前八行彰義節度注見唐憲宗元和

四年按唐方鎮表乾寧元年涇原節度賜號彰
義軍節度則非淮西之彰義也此誤

第二十六頁後八行王景崇之子刊本子訛姪據
唐藩鎮傳及五代雜傳改

第三十三頁後一行承天軍未詳沿革按文獻通
考即鎮州娘子關此失考

第四十四頁後二行永嘉二年蒲子刊本蒲子訛
蒲坂據一統志改

第五十三頁前七行割澶衛二州隸焉刊本衛訛
魏據賀德傳改

第五十六頁後八行黃澤未詳處所按漢郡國志
魏郡內黃縣有黃澤注前志曰在縣西北失考
第五十七頁前四行謂李嗣源刊本訛謂高行珪
按明宗紀梁晉相拒于柏鄉梁兵敗以功拜代
州刺史且行周本事明宗故云事代州亦猶事
大王若高行珪則固未嘗為代州也此誤

第五十九頁前二行鼎注見漢武帝征和二年湖
按唐地理志京兆府華原天祐三年李茂貞墨
制以縣置鼎州若號之鼎州貞觀中已廢此誤
第六十三頁前三行楚州名注見晉孝武大明三
年山陽按五代史楚世家楚王馬殷以潭州為
長沙府建國若淮南之楚州非其所統此誤

第七十頁後三行季氏介其雞刊本雞作羽據左
傳改

第七十三頁後六行金陵昇州刊本昇州訛郡名
按金陵非郡名今改

第七十九頁後六行豆為戰血所漬刊本漬訛漬
據南唐書改


第八十二頁前二行游楊村未詳處所按分注上
游楊村言于上游之楊村也王珂傳瓚自黎陽
渡河攻澶州不克退屯楊村扼河上流此破讀
誤又王彥章傳至滑州置酒高會陰遣人具舟

于楊村沿河以趨德勝則楊村在滑州可知此

失考

謹案第五頁後八行按巴堅舊作阿保機今改後
倣此 六十三頁前八行舒嚕舊作述律今改
後倣此





總校官庶吉士臣張能照

校對官中書臣葉蘭

謄錄監生臣馮蓋